

精鈔
大字

隨

園

全

集

詩集

三

小倉山房詩集卷十三丁丑

錢唐袁枚子才

聞叔度少宰復命軍營寄懷一首

嘗羞隨陸不能武。今見終軍能繫虜。萬里馳歸草奏箋。白門夾道看表五。表五表五貧賤交。長安市上同遊遨。一朝致身青雲上。華嶽峰高少依傍。人驚儒者亦知兵。我怪西江還出將。聖朝神武滅高昌。軍鼻窮西遠遁藏。馬謖已誅君奧死。朝廷未免憂邊防。侍郎慷慨臣

請行。十奏九合軍中情。王修侍從解機變。崔浩胸中盡甲兵。繡衣玉斧南薰殿。詔許千官

設華餞。親解金袍賜狄公。戎裝強換書生面。一路龍沙持絳節。交河馬踏層冰裂。刁斗聲飛

瀚海雲。刀光涼動天山雪。元帥靴邊問主安。三軍傾耳聽籌策。屈指婁闐首可傳。班超生

入玉門關。拔將銅柱全收地。獻得金人好祭天。城南少婦寄征袍。堂上萱花露正高。誰知天外

揮長劍。依舊歸心折大刀。男兒讀史長嘆息。貂蟬每借兜鍪力。健士奚須枉拍張。詞臣已見歌

勅勒。天恩朝夕下明堂。效矢彤弓寵未央。聽說阜陽女兒隊。添唱從軍樂府章。謂采玉

倣劍南小體詩

春日山居事事。且閉門行樂。少人知。亭移舊料。功成早。樹換新泥。葉發遲。秃筆管仍裝塵。尾斷琴絃更拗花枝。年來悟得忘名意。除却風懷不詠詩。春影離離過畫廊。送春人與

蝶俱忙。歌聲隔苑聽尤好。花氣隨風到始香。稚女鳴環爭白紵。旁妻蠲忿種青棠。消除長日知何事。只有傾心美素郎。
朝烟暮雨倦登臨。閒倚危樓憶古今。螻蟻尚存封建圍。棋時見井田心。山花受月紅成白。池水如人淺不深。中散春愁無著處。幽蘭開處去彈琴。

題李後主百尺樓

黃花水小雨潺潺。南國樓台夕照間。如此長江被量去。當年還唱念家山。
檀槽金屑小

琵琶姊妹承恩似。趙家聽到流珠歌。舊曲一時腸斷六宮花。
保儀不愧女相如。手掌牙

籤萬萬餘。爭奈焚如學蕭繹。國亡遷怒到圖書。
草草南朝一夢過。潺潺春雨奈愁何。官

家賴有重瞳子。洗面終朝眼淚多。
藥號牽機出禁宮。此人又似不相容。檀來歌罷江山

穩。只合全家哭世宗。
六道戈船上游香。孩兒太不風流。關心臥榻鼾聲地。轉忘燕雲

十六州。
金字心經手自焚。命燈竿斷九霄雲。無情最是西天佛。送過蕭梁又送君。

千年故國水雲涼。樂府歌殘曲數行。父老營齋妃薦福。何如文士弔斜陽。

舟中作

有雨作偏速。無江渡轉難。行藏須自主。莫認相風竿。

喜晤同年程聘三少司馬

揚州斜日白門烟。兩度班荆意黯然。司馬官情談酒後。故人顏色老江邊。應劉同調升沉異。

元白無兒彼此憐。努力青宮勤啟沃。斥蕩風味繼前賢。

贈沈南蘋畫師

有序

吳興沈南蘋。畫名藉甚。雍正間。日本國王持倭牌聘。往居其國三年。授弟子若干。老病辭歸。國王况施累萬。同舟人受簿錄之累。南蘋傾所有以償。至家竟不名一錢。

東陽隱侯畫筆好。聲名太大九州小。片紙能開異國春。鶴書遠賁東夷島。東夷之國日本強。晉唐書畫多收藏。倭人字乞蕭夫子。行賈詩歌白侍郎。將軍重幣聘高賢。高士乘舟去若仙。眼驚紅日初生處。畫到中華以外天。天風吹下三千里。行盡魚頭見魚尾。斫取扶桑作管城。揮毫更進羊皮紙。紫貝千雙國主恩。鮫珠十斛門生禮。蠅點屏風墨未乾。方諸拾淚寫牛欄。奇花增入宣和譜。怪石常橫粉本看。三年重作還鄉夢。侏儻傑侏歌相送。金壓蕭雲行李邊。船因陸賈歸裝重。同舟人欠水衡錢。羽化銀杯意灑然。元振萬金揮手盡。長康厨內空雲烟。還家身世兩蕭條。流落江湖酒一瓢。遊子青衫餘兩袖。畫師白鬚老三朝。人生意境何偏仄。盛名坎壈如一轍。但使文傳黑水碑。奚須家住黃金穴。春來日日鳥船通。猶道夷王遣問恭。七十二島依然在。只隔人間海一重。

題陳古漁詩卷

新詩一卷勝方干。當作楞伽靜夜看。孔翠屏開花爛漫。清商琴老調高寒。地當六代悲歌易。

胸有千秋下筆難我學王戎留贈語
森森更願束長竿

王卿華輓辭

諱復旦杭州人丙辰孝廉侍御文公潛之子會試不第縊死長安

琅琊公子少年日平康意氣東阿筆
玉貌朝看鷺嶺雲金鞭夜醉西湖月
西湖有客正垂髫杵白相逢據定交
雙聲笑徹烟霄上把袂詩歌碧樹高
蕭郎騎馬走京華公子秋風桂亦花
此際烟波人萬里此時別緒字如麻
流星馬遞泥金紙大父懽呼阿父喜
寸厚家書拆忍驚當頭只說袁才子
袁安躡躡撲燕塵乞火先投御史門
鴻博已傳韓愈罷樓身誰念趙岐貧
果然屋好鳥亦好先把牛心啖逸少
延譽真同許子將少年我愧蕭淵藻
大被常教氣類親風懷共取明燈照
朝朝索米向長安身賤由來作客難
子鵝殘炙垂涎處苦賜翳桑机頡
餐可憐客路暫逢君君又還家我失羣
借馬送行秋夜月含愁極目楚天雲
曾將阮籍窮途淚痛洒羊欣白練裙
明年身忝到蓬萊驄馬門前五笛哀
華屋誰知一朝變滄桑從此萬重來
八十封翁扶櫬歸孤兒一隊繞船悲
鍾君阿鷺無人嫁仲郢烏台有雀飛
王郎再應公車試往日繁華如隔世
落第羞看紅杏花還鄉怕挽青絲轡
誰云生死見交情任昉兒郎局已成
不學王孫依鮑氏甘心慶父抗輶經
三更孤燕空梁墜萬里書燈鬼火青
城南婦作力頭夢易水風吹變徵聲
白骨天涯蔓草寒招魂誰唱念家山
回頭酒綠燈紅事盡作輕塵

短夢看。記儂奔走江南道。兩度逢君。覺君老。路遠偏教得信。遞官卑祇恨酬恩少。二十年來。鬢未霜。哭君三世淚。沾裳寢門。一奠知何日。金谷園空宿草荒。

哭沈補蘿

八法書亡索幼安。蘭亭雖在酒壚寒。欲知太古先看面。從未朝天儘作官。垂死交情秋握手。半生家難老傳餐。公貌奇古七攝縣令從未入都老病寄膳以終誰云遺墨千年貴我是同時得已難傷心張耳鬢如絲。曾見夷門大會時。四海耆英今日盡。三朝遺事夕陽知。風摧漢代靈光殿。名重蕭梁老婢師。最晚逢君偏早別。淚痕空灑白楊枝。

題故人畫有序

晴江明府畫梅絕奇。恒化後人。藏者輒屬予翰墨。以晴江之好子也。再來參戎。與晴江同姓。甚懽。丙子秋。引例來請。值予病疴。皮置高閣。主人疑予忘之矣。今年夏五。展卷見梅花。如見宿草。與其上求巫陽。不若招魂于紙上。為書一律。質生者質死者。并質之梅花。

幾番怕見晴江畫。今日重看淚又傾。十四幅梅春萬點。一千年事鶴三更。高人魂過山河冷。上界花輪筆墨清。聽說根盤共仙李。暗香疎影盡交情。

春草

江城三月草烟綿。有客憑闌感歲年。雪後人歸春滿地。馬頭風起影搖天。清明細雨長亭路。畫角斜陽南浦船。欲采蘼蕪歌水調。幾回愁過大隄邊。誰家牧笛下牛羊。踏到蒼城舉

國狂。一片綠成蝴蝶路。幾叢眠作酒人牀。印來羅襪春痕軟。望去裙腰別恨長。記得斑駁嘶暮雨。青袍今已誤蕭郎。黃鸝一曲艷陽歌。撩亂春愁起碧波。寂寂鳥啼新院落。萋萋

人感舊山河。根高自占風雲早。物賤偏沾雨露多。莫怪已交生轉密。此身原要託煙蘿。

玉鈎斜月冷黃鸝。渺渺寒蕪夕照西。青入窮沙須歷日。繡完平野失春泥。三生蓬海騷人老。

六代雲山燕子低。說與東風合惆悵。剪刀雖好葉難齊。十二瑤塔也託根。野心只是厭

紅塵。開花自笑無名字。采藥時逢有異人。恍惚池塘桑葉夢。分明書帶認前身。年來似勸天

桃隱。遮住漁郎不問津。栽培不仗主人翁。自立斜陽自偃風。空苑儘教隨意綠。落花借

與滿身紅。千般甘苦嘗難盡。一局輸贏鬥易終。我欲踏青何處好。琴河西畔板橋東。

詠錢

誰開九府製泉刀。從此黃標又紫標。千古帝王留字去。萬般人事讓兒驕。椒房手迹傳唐代。堯廟碑陰記漢朝。莫說仙家最清冷。也須金液上丹霄。不須薇蕨說高風。到底夷齊是

命窮。剪紙賄能通鬼國。博臬天尚借劉翁。杖頭有處春堪買。坐上無時酒欲空。怎怪南唐

痴老長。心經一卷寫當中。人生薪水尋常事。動輒煩君我亦愁。解用何嘗非俊物。不談

未必定清流。空勞蛇女千回數。屢見銅山一夕休。擬把婆心向天奏。九州添設富民侯。

牙籌且莫惱王戎。本草嘗來味果濃。五福富登洪範傳。六官人愛大司農。分明輪廓無方寸。

頃刻風波有萬重。怪我緣慳君欲去。祇須臨別少從容。張燕公有
錢本草碑五銖衣薄稱閒身。綰

罷銅符早閉門。萬選儘憑詞賦力。半文不受祖宗恩。播空扑滿心原淡。獨飲廉泉體自尊。

記得清明分白打。開元兩字最消魂。風吹荇葉滿池斜。老去持籌敢自夸。早買名山非

壑斷。不騎仙鶴也豪華。富徒慳守貧何異。來得分明去亦嘉。我有青蚨飛處好。半尋烟水半

尋花。

錢家軒少司空奉命樓霞畫山過訪隨園

司空工作畫。聖主教看山。感舊懷殘客。穿雲到此間。高軒紅雨染。空谷白駒閒。帶我烟霞

去。仍歸侍從班。

梅雨

梅子黃時雨。潺潺最不同。慣來人意外。偏灑日光中。滑徑愁芒履。空堂躍水蟲。采蓮差可

喜。處處畫船通。

題柳如是畫像

生綃一幅紅妝影。玉貌珠冠方纈頰。眼波如月照人間。欲奪鸞鏡須絕頂。懷刺黃門悔誤投。

遺珠草草尚書收。堯人碑上無雙士。夫婿班中第一流。絳雲樓閣起三層。紅豆花枝枯復生。斑管自稱詩弟子。佛香同事古先生。勾欄院大朝廷小。紅粉情多青史輕。扁舟同過黃天蕩。梁家有个青樓樣。金鼓親提妾亦能。爭奈江南不出將。一朝九廟煙塵起。手握刀繩勸公死。百年此際盡歸乎。萬論從今都定矣。可惜尚書壽正長。丹青讓與柳枝娘。

靜坐

靜坐西溪上。春風白日斜。吹來香氣雜。不辨是何花。

寄徵士薛一瓢

南海有隱士。疑是青城君。道姓稱黃石。問家指白雲。精神通九略。逸氣橫三軍。棄其孫與子。孤處空江濱。獨攜天台女。飄飄金霞裙。梅花開玉杯。眾仙時一醺。我亦風其間。芳訊聞氤氳。無端自謫落。從茲仙凡分。風車不可馭。元理無由聞。何時青鳥來。同驗鸞鶴羣。

妹夫胡書巢作宰什方遠胎川絹感而成詠用答高情

一紙家書萬里情。八年人老杜鵑聲。胡威贈絹知蠶好。薛女題箋想政情。署外山光雍齒廟。馬頭月色錦官城。韋莊詩集韋臯業。珍重郎君蜀道行。

讀王荊公傳

青苗幾葉起風塵。孤負臯夔自待身。底事經神有緣法。周官偏誤姓王人。

齒痛

百年過四旬。老狀一齊起。但願無所苦。聾盲任所付。惟茲齒兩行。朝夕待汝哺。相鼠尚有牙。飛鳥豈無喙。編排三十二。落落晨星布。隊缺眾力搖。左移右不固。忽弱一个焉。墳起血沮如。臨食輒三嘆。呼暮每百度。投梭嘯甚悲。漱石礪如鋸。似屐入門折。為牛孺子仆。元讓眉不伸。丞相茵屢吐。類炙十重艾。勝飲三斗醋。說士不覺甘。噉名亦無趣。調語便聾牙。反唇如有訴。徒搖子公指。愁對亞夫箸。噬嗑為已占。大烹向人妬。艱脆起復行。呻吟朝至暮。五漿三飯時。隙罅難調護。狼藉小稊稗。如入大盈庫。已困楚人鉗。復作黨人捕。急命大老嫗。發難與鼃錯。金簪為戈矛。冰麝為俞跗。蠕蠕黃頭蟲。擒出竟無數。客容既甚猛。尸汝猶可怖。譬如漢宦官。雖誅國已蠹。次日嚼復嚼。痛止齟恰腐。又如買臣妻。苦留終欲去。欲去未去間。勃谿終日怒。咄哉汝朽骨。無情心不恕。我雖仗汝餐。汝亦得我助。弱冠啖紅綾。韶光不汝誤。有時拈花笑。莞爾將汝露。談天吐玉屑。觀畫設寒具。似我作居停。將子亦毋數。胡為憎酸醎。瓜葛全不顧。三餐自作孽。四十已見惡。其餘編貝公。效尤更可慮。勸齒學宰相。伴食且餐素。毋學小丈夫。悻悻不肯仕。更學古君子。絕交須念故。毋學暴富兒。登時棄瓦注。叩汝一千回。賜汝三日脯。吾將鳴天鼓。更請黃帝鑄。

偶然作

三寸鼠鬚筆。千秋爭名家。譬如一鮒魚。而祝穀百車。參軍圖作佛。母乃願太奢。可奈日與月。已如赴壑蛇。傳名無竹帛。成仙無丹砂。賴此文字間。著作為生涯。後人就知我。卑卑已可差。萬一再蹉跎。輪迴可恃耶。 山居無所事。遁木復遁土。東聽緇繩築。西聞丁丁斧。三百有六

旬。所費亦難數。戚里憐我貧。切切相規阻。豈知君子心。此中固有主。未能議明堂。為國造區宇。又無厦萬間。寒士同安堵。就此蝸牛廬。結構且楚楚。起伏寓文心。疎密占隊伍。栽花如養民。建亭似開府。可惜錢刀空。英雄難用武。始知諸葛公。糧盡退軍苦。 讀書不手記。一過

無分毫。得句忽然忘。逐之如追逃。見書如見色。未近已心動。只恐橫陳多。後庭曠者眾。所以某日觀。手自識其腦。能者幾納狡。此意亦苦惱。 身無活人權。不憂溺與飢。身無劫人權。

莫談是與非。當時石戶農。牽羊海上遯。耿耿方寸間。隱隱萬言論。願揖眾臯夔。待儂見堯舜。 顏回無宣尼。一瓢何足算。宰相三十年。雖庸有列傳。君子愛其名。名權非我擅。但

看十七史。遜我者大半。 太上貴道德。其次務施報。惟其本此心。所以有忠孝。快哉孔聖人。報怨稱直道。英雄萬念灰。此意終了了。矧吾少也賤。恩仇豈云少。逝者已如斯。前途惟

有老。再拜漂母祠。涕泣傷懷抱。 開卷見古人。開門見今人。古人骨已朽。情性與我親。今人乃我類。嚼蠟聞語言。寧與木石居。不與俗子俱。欲見何代人。但翻何代書。 平生多嗜

欲。所憎惟檮繡。酒味與絲竹。勉強相支吾。其餘玩好類。目擊心已慕。忽忽四十年。未盡返吾

素惟茲文字業。兀兀尚朝暮。晨起望書室。身如渴猊赴。高歌古人作。心覺蛾眉妬。自問子胡然。不能言其故。

憶昔垂髫年。讀書葵巷中。先生出見客。弟子偷餘工。聞客有科名。仰之如華嵩。家人多窺探。嘖嘖羨其容。於今二十年。都成可憐蟲。孝廉難餬口。進士愁飄蓬。酒味減京口。米價增江東。貴爵而尚齒。吾將笑周公。

東漢舉孝廉。四十方辟召。吾年正四十。自覺已衰老。聞其所以然。入世嫌太早。新勞脂易枯。刀用鋒恒少。傷哉出山時。意氣凌八表。一自識行藏。不復恥溫飽。何圖大鵬翼。化作小山草。懶惰便清高。巢由安足道。

悲哉秋為氣。草木凜若霜。我身非孤桐。逢秋如探湯。又如古塞上。防秋羽檄忙。六年三大病。八月之中央。自知疎狂性。肌骨多開張。忽受金風斂。相戰何能降。吹霎即歎噫。藥石難周防。長跪奏白帝。臣請召雲將。共留東皇駕。熙熙遊春陽。毋使一葉落。惹我寸心傷。其旁有宋玉。涕下霑衣裳。

汝賤非汝拙。汝貴非汝才。不能領此意。有天生禍災。禍福何足論。所惜九重恩。萬世一時遇。而無雲雷屯。顏駟用太遲。終軍用太早。所以漢家業。人才多草草。

聖人重躬行。不以道自拘。其治貴清平。科條簡且疎。唐虞至商周。一千年有餘。治民無多談。傳心無異趨。有謨誥語。而無官札書。六經盡糟粕。大哉此言歟。

周末始文勝。漢興廣徵儒。遂有叔孫通。縣葦野外居。更有魯徐生。習禮為大夫。瑣瑣角毛鄭。空空談程朱。求之日益嚴。失之日益迂。未必兩廡坐。果然聖人徒。未必兩廡外。都與聖人殊。

聖人不復生。我夢終遽遽。

聞雷

六月雲雷盛霹靂西南郊。震殺一田夫。其隣何嗥嗥。道是無惡狀。蒼蒼刑罰偏。我往謂其隣。爾毋言逆天。天生復天殺。於汝何尤焉。隣曰大不然。人心如其面。於心有不安。父母貴幾諫。晉獻殺生申。春秋有貶辭。宣王誅杜伯。左儒請死之。三槐與九棘。要使天下聞。雷雖豕其背。模糊不成文。謂是前世孽。前生天夢夢。謂有隱慝焉。曷不示之眾。擊牛不擊虎。勝之不為武。擊賊不擊貴。雷乃勢利棍。魏魏真宰心。與人異好惡。雨師與風伯。胡不救其誤。予聞隣翁語。惻然不能言。死者良已矣。無人招其魂。

美人彈琴圖

今夕何夕銀河明。單鳧寡鶴升天行。幽蘭花開碧雲斷。美人獨坐難為情。一張青琴當郎抱。不肯無人輕有聲。疑是卓文君。彷彿趙飛燕。義髻濃梳落水妝。烟華搖蕩香雲鬢。織罷流黃手爪傷。久疎雲雨朱絃變。蕩子去關山。烏啼蕙草殘。孤鸞欲作語。對鏡發長嘆。不愁明月空床冷。只恨陽春識曲難。何處分釵王敬伯。何時按拍董廷蘭。北斗離離挂寒碧。妾心死轉與琴訣。一片瀟湘指上波。萬重幽澗花間雪。彈畢還將古錦包。曲終不覺衣裳濕。四絃三調本淒涼。琴語琴心暗裡藏。只描一幅相思態。寄與千秋播摺郎。

寄懷歸愚尚書

天與高年享重名。明經晚遇比桓榮。詩人遭際無前古。海內風騷有正聲。白髮歸來双俸重。青山題罷九重賡。戴公園上書銜處。更命春官典六卿。曾拖金紫侍東宮。鶴禁

龍樓獻樸忠。斥去邪蒿開苦口。折來楊柳勸春風。賀循印綬恩方渥。疏廣都門餞已終。今日

商山好芝草。青青又照夕陽紅。金鸞殿上詠霓裳。三次同年夢最長。鴻詞科吳郡聲

聞張子布。鏡湖風月賀知章。傳人自古前生定。酒客於今舊雨涼。何事蒲輪遊白下。不來小

住說滄桑。黎生鶴髮捧双鱼。寄得昌黎荐士書。公以書薦聞黎良行老去心情真健在。秋來

杖履更何如。愁生蕭寺雲飛處。露下橫塘雁到初。記否隔年河朔飲。張南周北又離居。

奉和揚州盧雅雨觀察紅橋修禊之作

雷塘七里小橋紅。隋苑烟花闌苑同。天子停鸞留勝蹟。大夫修禊采南風。黃金宮闕連雲

起。白塔臺光照月空。二十重春萬層景。牙牌標出水西東。紫竹亭西歌吹聞。傾城車

門笛紛紛。楊花風散春隄雪。水面燈涼日暮雲。蕩子黃鸝金縷曲。女兒高髻藕絲裙。人

間此後論明月。未必揚州只二分。歐蘇當日擅風流。重整騷壇五百秋。四面雲山新水

榭。六朝歌管舊春愁。人騎仙鶴尋詩社。月送笙簫上酒樓。莫怪梅花東閣盛。年來何遜領

揚州。二月迎鑾理畫橋。兩扶筇杖到紅橋。時非上巳春猶淺。遊過釣天夢未消。綠綺

琴傳廣陵散。青山人隔白門潮。憑公好取蕪城賦。畫作屏風寄鮑昭。

寄西川方伯徐芷亭同年五十四韻

鵬翼三千里。霓裳十九年。斯人敦古誼。舊雨最周旋。飲罷江南水。恩來蜀道天。屏藩龍節重。玉斧繡衣鮮。帝愛文翁化。人思邵伯賢。道行堪莞爾。遠別轉淒然。燒尾蓬池後。回輪弱水前。記嘗千日酒。同惹一爐烟。手學飛龍字。歌翻繫木篇。早朝清漏動。月朔課期傳。燈借徐吾壁。街揚祖逖鞭。雙棲雞樹側。游戲濯龍淵。王儉芙蓉幕。徐陵玳瑁筵。有花皆共賞。無月不同圓。上苑香車到。宮袍蜀纈纏。通家來姊姒。華屋語嬋娟。尔我忘形極。妻孥樂事偏。為遲覓繞膝。各想妾隨肩。濡蠟仍呼酒。燒蘭更擊箋。九霄風震盪。一日事推遷。海沒神山影。枝分太華蓮。我親刀筆吏。君督水衡錢。喉舌分臺首。池塘夢阿連。相看飛鷗退。同作厲人憐。倖寄黎陽土。書交計吏船。人情渺渺。縞紵意懸懸。已見肱三折。重鳴鼓兩甄。武安仍起病。樂毅再遊燕。坎坎能酤我。泠泠續撫絃。秦關秋萬里。農部夢三鱣。鹿情仍棲洞。貂冠獨耀蟬。崆峒音貢嶺。皖口大龍巖。草木威名重。陽春玉律宣。停驂來建業。訪舊到林泉。碧水金鞍照。紅旗翠柳牽。遠山遙對酒。好句贈如仙。回首釣天夢。難忘香火緣。松高青似舊。瓦賤壁難聯。論蜀相如去。擁旄嚴武尊。巴渝新舞曲。夔府舊山川。叱御驚桐鳳。籠街雜杜鵑。郵筒盛葑醬。驛鷓關丁零。棧道初飄桂。新霜正折棉。材應儲杞梓。德可化鷹鷄。雨露銀鍾沃。功名銅柱鐫。依然丹禁筆。還作太宮椽。有客南河畔。含情北斗邊。孤雲心倦矣。戴笠立意終焉。沈氏郊居賦。

方家泊宅編。哦松朝掩卷。種漆暮鋤田。望氣私心視。看雲終日眠。遙知尋杜甫。未免憶焦先。潮折終歸海。風輕只墜鷺。何時將生徑。重挹故人旒。

二月

二月湘簾漾曉風。倚闌人對碧芙蓉。春愁不是無形物。但看楊花一萬重。

偶過

偶過青溪上。濛濛野水春。釣魚竿在地。不見釣魚人。

海桐書屋即事

水軒古豪士。雅志扶國風。萬里遊五嶽。一窗栽雙桐。慨念昔金陵。何沈稱宗工。千秋少替人。誰歟繼其隆。遺響撞布鼓。張旗招雲龍。丁丑八月六。澹月明高窓。冠蓋集東南。華裾飛烟虹。棋聲答風竹。酒氣熏芙蓉。秋葵照秋士。通理協黃中。梁園無罰蓋。謝莊有談功。花籌傳未畢。銅鉢韻已終。餘事賦古琴。尚論及江東。題有琴賦魯肅論當今聖人詔。將詩試南宮。吾從蓬山謫。未忘清廟鐘。願與諸君子。賡歌垂無窮。年年對嘉樹。永永賦角弓。

寄香亭代東

高城秋未落。作客汝先行。白髮空山夜。青燈獨坐情。池塘尋遠夢。兄弟感來生。極目天邊月。清光送雁聲。
禹貢徐州城相依。張建封空樓羣燕子。舊幕想芙蓉。河決城三版。官新

牘萬重主勞實可想。幾見汝從容。
弱冠編詩集。彭城與鳳陽。馬頭皆楚漢。筆底自宮商。

地盡江南界。秋高古戰場。騷人風骨老。強半在他鄉。
小草當荆樹。分君亦偶然。如何絡

秀志。不結女復緣。贈香亭鳳篇 女嬃尼之扣扣環仍繫。盈盈月待圓。采春囉噴曲。空唱想夫憐。

燕姑初徵夢。漆下質者譁。偏凋將秀稻。又摘早秋瓜。老母堂前膝。佳人雨後花。風懷吾最

遠。未免惜年華。方姬 半產木葉不知老。當秋尚亂飄。蟲聲入山大。風力出城驕。一別歲將暮。相

思路正遙。家書取珍重。封卷學芭蕉。

方姬未大期而免乳意忽忽不樂醫者呂東臯云女人望子如秀才之望榜愛其空壁言

雅切為詩謝之

蕊榜泥金願久償。忽教此恨落閨房。天桃子墮花含淚。紅樹心孤蝶怨霜。樂府聽歌康老子。

燈花偏惱謝秋娘。多情只有馮子意。檢點龍宮賜禁方。

吳元理秀才是予宰江寧時所拔童子以詩來謁粲然成章喜而有贈

十年不見張童子。一卷公然員半千。繞筆蘭荈花照水。盤空秋隼影橫天。青山置酒吾將

老。白下稱才汝最先。當日門生今小友。早探金海躡飛仙。

熊安亭公子之官楚中以舊時松竹讀書樓冊子屬題

蕭郎吹笛出南都。肘後離騷有畫圖。行色君山秋月好。書聲江左竹樓孤。詩人慣作州司馬。

神女遙迎楚大夫。倘采芙蓉花萬朵。不應忘記白門烏。

題李晴洲天際歸舟圖

作客天津未半年。思歸便畫送歸船。篙工添上三枝槳。猶恐春歸在客先。
隨園西北有高樓。樓上長江接檻流。無數颿樯天際影。可憐幾個是歸舟。

八月二十九日偕溫皆山莊念農遊棲霞

西風愛客作山行。細雨明朝換老晴。飲馬後湖秋水色。迎人前面打禾聲。
遙看高嶺新牆出。曾過鑾輿大道平。一路齊梁舊雲物。銅駝石馬盡闌情。
晚叩僧門尚未高。張燈

先到話山亭。峰如趁屋天原巧。水可流花地忽靈。九折廊隨幽澗轉。五層台隔竹光青。
穿林更有金衣鳥。啼出秋聲當笛聽。來遲悔過桂花香。猶記前春去住忙。
隔歲釣天非舊

夢捲簾紅樹正新霜。萬松門健擎雲立。千佛浮金照影涼。結構有人心未已。掉頭私自向斜陽。
念農督工樓霞意有改建 回車重上最高峰。秋後黃梁萬頃同。宮殿忽藏雲世界。江帆齊出水

西東。看山到頂心纔快。待月回身眼更空。歸去烟霞應滿袖。遊人來自半天中。

鏡

盈盈一水寫風神。惆悵山雞舞罷身。望去空堂疑有路。照來如我竟無人。
得知宜稱妝應改。解共悲懽汝最真。願取蟠龍安四角。滿林花影盡橫陳。

簾

珍珠顏色月波光。只隔遊蜂不隔香。一道疑城花隱霧。萬條斜竹水成行。蓬山珮響仙弥遠。深院風停日更長。搖蕩春痕鈎捲未。銜泥燕子待升堂。

牀

小眠齋裏倦琴書。每覺藜牀味有餘。一夜送人何處去。百年分半此中居。金燈聽鼓應官後。紅袖抽簪乍上初。兩種風情最堪憶。梅花吹落水窗虛。

燈

別酒淋漓夜雨聲。空山紅處野風驚。並無喜事花長報。為有黃昏色轉明。歌舞當場春夢短。江湖回首玉堂清。除將畫卷雲鬟影。不領銀釭一點情。

扇

齊紈巧製愛天工。白羽臨江水照空。小撲流螢花徑外。分涼熱客樹陰中。生無愧面遮寒士。秋有餘恩感漢宮。憔悴年年箱篋裡。誰知搖手滿懷風。

尺

典衣從古屬周官。分寸由來熨貼難。織布新人休護短。滿城高髻太嫌寬。明堂補袞身猶在大。樂調鐘璽已闌。我欲通天台上表。羣才交與此公看。

杖

剡水雙藤健絕羣。偏於足下最殷勤。年來孤往常無路。海內相扶尚有君。小拄心知深淺雪。橫拖身逐往來雲。鄧林豈少狂奔者。可奈虞淵日易曛。

帳

甲乙流蘇事事非。誰傾海水向羅幃。垂雲深護鴛鴦穩。越境難防蝴蝶飛。白鳥有聲喧外陣。紅燈無力透重圍。愁他酒盡更殘夜。遮莫離人獨自歸。

香

老去荀郎感歲華。唐粘濕尚成家。空中仙過靜聞樂。牆外月明知有花。雞舌自含芳訊早。旃檀偏抱逆風嗟。何當盡取懷中字。燒作青詞上紫霞。

和涂長卿秀才九月開牡丹之作

三月繁枝九月抽。驚看穠艷捲~~簾~~鈎。紫雲題句因紅葉。青女飛霜到絳樓。花自過時仍富貴。天無成見作春秋。桓榮晚遇顏郎否。各向尊前掉白頭。

十月九日飲江防司馬陳省齋署中坐客汪君吹簫吳君鼓琴姚君製硯相錯勸

觴

碧雲欲墜秋滿天。黃花不語含素烟。金簫玉琴橫几前。江州司馬開華筵。挫糟凍飲酒材

全紅虬脯雜元兔肩。吳剛半醉調朱絃。三湘兩峽鳴清泉。汪倫弄管銀字圓。如怨如慕愁嬋娟。須臾合奏相接連。簫史請後伯牙先。孤鸞低語老鳳憐。水尺未斷冰絲牽。口所欲轉手亦旋。角聲不厲羽不偏。如雁拍水珠流湍。元雲白鶴來翩翩。主人六十未華顛。死者世外餐霞仙。平生妙筆媿龍眠。今夕何夕勝事聯。胡不畫圖海內傳。更有姚君琢硯田。青花紫文開陌阡。能將金石闌亭鐫。枚也一枝無有焉。須此良會心悄悄。側聞南齊賜宴年。拍張琴舞琵琶邊。別有臣歌封禪篇。敬請效尤依古賢。含笑獨看郇公箋。

送上元令温平山刺通州兼呈其五兄悟仙

聽唱驪歌小雪天。一門人別六朝烟。思量二十年前事。早撥朱琴第五絃。斯人風骨

最清狂。不逐鴛鴦逐雁行。此去通音真小悟。萬重海水自宮商。王郎一曲唱初終。阿弟
旌旗照眼紅。始信東山愛絲竹。官聲不累小安豐。白下風烟接素秋。三年紅爪紀同

遊。樓霞晚翠青溪雪。併作離人一段愁。

鳳簫二十六韻

鳳故待年女也。長而痘痂著面。乃聘陸姬以乞香亭。又復不果。有蒙古將軍聘之。簫請行。

鮫室泣冰綃。秦樓別鳳簫。碧天紅線遠。法曲紫雲飄。王自崑山種珠從。合浦招。自成初見處。姪變可憐宵。解誦靈光賦。纔勝金步搖。留仙風裡待。按管月中調。秋水明清曉。修篁束細腰。近花香轉澹。采葯路非遙。一曰麻姑爪。三生脂夜妖。壽陽梅點點。獺髓影蕭蕭。灑面雲

為雨分香手握椒。看春心未滿，得隴興仍饒。二月姑蘇舫，江東大小喬。家雞志逸少，遠水睽
雲翹。已見新加舊，難堪暮與朝。瓜期遲短漏，眉恨鎖長條。欲往情終怯，將離夢復膠。鵲鴛
情太薄，蠹蝶話空撩。竟作烏孫主，甘從皂北鷗。宣城嫁琴容，瓊智降弦超。僂語吳音斷，琵
琶塞草凋。卿悲秦吉了，我唱董嬌嬈。宛轉遺簪戀，淒涼舊粉消。人間無正色，花信有驚飈。願
繫他生臂，休憎後續貂。思量主人意，海水作春潮。

答魚門覆舟見寄

久別青琴海上音。忽然彈作水龍吟。文章偶有清流禍，神劍終無化去心。長願伊人歌宛在，
何妨與世暫浮沉。水經註疏河渠考，此後輪君閱歷深。年來陶峴臥烟霞，不泛張騫萬

里槎。樂府怕歌公竟渡，輕鷗且傍水為家。易林鳧雁啞天邊酒賀重圓月，池上風驚未落花。

聽說寸函隨隻履，轉疑龍女受瑤華。聞失去一履

親種

親種橫塘楊柳枝。六年人恨米花遲。關心一搦纖纖手，長日章公竟弄絲。蕭竟過湖涼

月香燈夢未消。青衣作賦誚張超。鳳凰飛去簫聲遠，不管梧桐葉尚搖。樊素歸時淚幾
行。香山心也費思量。回頭自顧蒼蒼鬢，留與他生願轉長。

訪客

夜訪山中客。濛濛月色凝。敲門人未覺。仙鶴一聲應。

小倉山房詩集卷十四 戊寅

錢唐袁枚子才

答髯孟人日見懷

青龍在戊己七日。天漏不止風絲絲。東皇太乙行舊雨。髯孟太守貽新詩。山人閉門無一事。得詩大喜親歌之。音豪調逸趨慢驚。義和敲石鳴玻璃。人日留人記往歲。朱雲徐樂多文詞。草木君家夫人煬竈坐。安成之食供晨炊。一朝風輪蕩陳迹。二老委化相參差。撫時感事兩眼濕。春縱不語能無悲。春晴便覺百花迫。故意風冷凋青枝。譬如嫁女已筮日。往往事阻佳期遲。先生甥館謝郎以疾未婚改調之。惟有老梅解春意。凌風犯雪揚幽姿。苦恨主人不飲酒。玉樹照影無金卮。且含數花若有待。待我報與先生知。

余十二歲舉秀才鄉人榮之杭州信來韓甥舉如其年喜贈以詩

冬郎雛鳳作新聲。啼出桐山第二清。漢試籀書童子少。唐多科目秀才榮。膠庠舊夢吾能憶。宅相高風汝竟成。三十年來佳話在。老夫悲喜若為情。

送四妹雲扶于歸揚州

江城春暮水漫漫。送汝揚州作李蘭。十日新婚隨塔別。二分明月待誰看。貧家奩贈新詩好。世上賢名後母難。妹繼配汪氏記取張華箴女史。莫教離恨目波瀾。秦樓挽手正登臨。底事

雙飛去不羣。族大爭看新婦貌。夫憐暗慰阿兄心。嘔啞江上三更榜。安穩沙灘兩睡禽。早米瓊花寄芳訊。舉家翹首白雲深。

贈徹凡上人

上人姓戴。吳中江南峯客也。庚午寓江家相識。今來白下云。江氏一家暴亡。感而薙髮。

老友變為僧。升堂一見驚。滄桑方欲說。涕淚已沾纓。帶雨袈裟重。披風貝葉輕。儒門原淡泊。留不住先生。共記江家住。星霜未十年。笙歌猶在耳。父子竟重泉。有恨難詢佛。無歸易入禪。今宵掃塵榻。且自證前緣。

雨中見渡江者

春雨如絲織不清。春風料峭可憐生。山中尚要關門住。江上爭禁喚渡行。

二月十二日

紅梨初綻柳初嬌。二月春寒雪尚飄。除却女兒誰記得。百花生日是今朝。

寄蔣茗生太史并序

壬申春過揚州。見僧壁題詩絕佳。末有茗生二字。遍訪無知者。熊滌齋前輩為言。茗生姓蔣。名士銓。江西才子也。因得芳訊。寄余詞曲尤多。今年入翰林。作詩寄之。

葦冠花開月二分。揚州壁上最憐君。應劉才調生同世。嵇呂交情隔暮雲。天禮賦成南內獻。清商歌滿六宮聞。為他蕭寺題詩者。曾把紗籠手自熏。回首蓬萊廿載遙。喜聞詞客續金貂。雲仙舊夢都陳迹。才子新詩正早朝。江上書來三度雁。青山人老一枝簫。何當置酒旗亭雪。乞與吳趨送晚潮。

哭王孟亭太守

難遣巫陽叩帝閭。生芻一束酒盈尊。故鄉米麥成長往。旅館遺孤尚候門。粉壁未乾題了墨。江風應送欲歸魂。編年詩放靈牀上。待我重泉再細論。意氣公然盛孝章。三朝鶴髮老

名場。虞歌醒我千年夢。舊雨添君一笛霜。卜宅臨江悲庾信。養生論笑嵇康。青溪風月從今冷。無數梧桐變白楊。王學熊經鳥伸之說故有第六句

投尹六公子似村

陵陽有瓊樹。密葉含青葱。繁枝八九條。披拂蕊珠宮。其六尤娟娟。臭與香蘭同。柔心媚君子。露眼啼春風。三日不相見。芳訊誰能通。賴有青鸞鳥。傳書出烟中。鸞眠字數行。素手贈芙蓉。上言銘金石。下言託始終。隋唐秀才科。尊乃無與比。不待金馬門。便領尚書使。叔季稍陵夷。蕭艾雜芳芷。吾皇重人才。赫然降玉旨。大開明光宮。徧試羣公子。曳白愁張奭。聲鳴悲侯喜。六郎獨不然。奮臂書黃紙。漢策貴天人。唐詩協宮徵。君王笑而言。自有真才耳。歸鷁

肘後印。四字千古美。曰殿試秀才。佳話從汝始。

我年如郎小。初拜老尚書。忽忽二十年。

郎年復我如。尚書麾旌旄。四度江南車。先生今鶴髮。弟子亦蒼鬚。惟有諸郎君。玉佩而瓊瑤。春華良可愛。努力翔天衢。歲星常周天。三吳豈久居。君如上林花。我如烟江魚。青雲日以密。白雲日以疎。殷勤復殷勤。一字一真珠。毋忘書中言。棄置在須臾。

余春秋四十有三。尚抱鄧攸之戚。今年六月二十九日。陸姬生男不舉。

半日為人父。三生事可嗟。如何投玉燕。忽又隱曇花。壯髮初離母。長眉頗類翁。木皮棺紙薄。裹汝送泥沙。漫說袍衣紫。莊公偏寤生。來時即去路。泡影度風聲。碧海珠何脆。桐

花鳳不鳴。親朋爭問信。流恨滿江城。

小草留根易。瓊花度種難。琴從中散絕。書付左

芬着。文襟衣空剩。瑋聲聽已殘。斜陽雖自好。無補膝前寒。

老母含愁坐。殷勤作慰詞。道

孫生有日。恐我見無期。此語何堪聽。全家一味悲。蒼天與人隔。何處問靈龜。

書所見

萬物赴生意。不能無所求。麟鳳至。蟻虱亦各有營謀。為佛為仙者。刺刺尚不休。何況侵晨鳥。能不鳴啾啾。我飢亦思食。我寒亦思裘。不謀固不可。太謀亦徒憂。適可而止耳。如水行輕舟。深夜不熟睡。早起顏色焦。嚴冬不肅殺。草木春蕭蕭。人老而不死。毋亦夜行勞。神仙作狡獪。千年為一朝。畢竟當長夜。獨醒亦無聊。不如信天翁。大化隨波濤。

呂布嚴酒禁

符堅拒婦言。頗遵先王訓。而以亡其身。要知天下事。圓通理萬千。何以稱英雄。識以領其先。
我昨乘舟行。順逆風有權。我今靜掩戶。有風無風然。所以王秀之。久宦輒不肯。相傳勇退人。次神仙一等。
賦詩似為政。焉得人人悅。但須有我在。不可事剽竊。昔有王家郎。好學華子魚。惟其太相同。轉覺遠不如。
皇慶非命達。共驪非命窮。唐虞一千年。司命者無功。宣尼泣麒麟。命始歸蒼宮。吾官雖沉抑。吾境猶從容。日者問支干。一笑如耳聾。欲知東方生。惟有太王公。

譙周

將軍被刺方豪日。丞相身寒未暮年。惟有譙周老難死。白頭抽筆罵隆慶。

周昌

遺孤共殉聞荀息。越境能逃有正當。何事黃襪負如意。但聞強相病朝堂。

朱買臣

采薪歌罷雪花飄。五十登朝氣轉豪。殺得張湯刀筆吏。一行功已敵蕭曹。

張禹

羽衛傳呼謁太師。九重請訓萬人知。先生開口君王拜。牀上深深記女兒。

叔孫通

軍謀休註漢官儀。綿蕞荒郊事事非。三代以還皇帝貴。兩生之後腐儒稀。

朱栩

人各千秋有性情。不圖禍福不圖名。金丸冷落椒風斷。偏莽當年董聖卿。

王儉

散髮斜簪倚玉除。金鑿殿上酒酣餘。拍張琴舞琵琶外。別有臣歌封禪書。

范希文

黃閣風裁第一清。宋朝名相半書生。西邊經略成何事。尚勸橫渠莫論兵。

陶宏景

樓上三僧道氣濃。永明求祿枉匆匆。先生綠鬢方瞳意。可在烏紗骨相中。

郝詵

射策明光第一人。歸來香案筆當門。一千年後兒孫記。要報龍鬚老友恩。

沈約

老去名場夢久消。青宮風雨隔前朝。內家尚識東陽客。白髮淋漓淚萬條。

謝景仁

絃絕清商蠶餌絲。人才國運兩相交。景仁三十居郎位。司馬家兒事可知。

王僧孺

賣紗東海遇中丞。兜墜深溝母亦曾。兜作中丞母何在。鳴騶引道淚難勝。

病中作

余病中。每夢得奇句。醒輒忘之。今年店作熱甚。似有霞帔者。持紙求詩。余書萬樹接天風掃海。一人手結虹霓帶云云。其結句云。瑤妃浴罷。天河窄。熱退。僅憶此三句。似非人間語。為足成之。

萬樹接天風掃海。一人手結虹霓帶。黃金梯滑升天行。鳳凰挽臂星辰迎。風裳飄飄拜玉宇。口含北斗與天語。天上美人半故人。素手拈花相爾汝。王母微笑不掉頭。癡龍小謫三千秋。雲窗奏事不甚解。略聞海水西南流。宮漏簌簌天鼓急。金輪影逼扶桑直。三十六宮珍珠明。瑤妃浴罷天河窄。

鬪蟋蟀三十韻

兒時不好弄。雅好鬪秋蛩。老至興不淺。率眾時相攻。憑軾觀壁上。擊節鼓胡籠。選材必大閱。焚山輒搜窮。得一巨孽焉。文窺以為宮。樹之蜚弧旗。築壇招羣雄。教戰如峻訟。持草開金籠。其始體卑伏。拘怒初興戎。徐徐脰低昂。霜刃將交鋒。才摩疑楔偷。頭觸愁共工。彌明舉足踐。叔孫當喉禡。道險一與一。兩將鬪會中。伏已盪其腦。搏膺鉞交胸。銜枚悄無聲。運翼如有風。

琴瑟齒擊響。拂拂長鬚衝。微覺昆喙息。愈增羅鉗光。射肩猶能軍。傷股強鳴鏑。一擲出盆外。如喝臬盧紅。再戰不改期。如學楚子重。摩壘更靡旌。逐北如飛蓬。帶斷狗於軍。勇哉氣於隆。奏凱唱饒歌。鼓翅如金鐘。漢有蓋將軍。母乃汝同宗。敬汝矜而爭。比黨非螾螾。愛汝勇而仁。螿人非并蜂。飲汝以勇爵。螭觸慚尸饔。偶汝以新牲。字微聲雅雅。十月入牀下。懶婦驚殘夢。寄語碧蔭氏。牡鞠休熏快。我續螾螾傳。自笑本雕蟲。

偶成

事往百慮忘。興來一杯執。莫道勸無人。青山酒邊立。

遣懷

勸駕已無中。執法起家曾。侍中郎。不先請客來。遠登最愛者。書過亦忘。吠歎身閒。供疾病。功名事。變入文章。較量六代。風騷者。可是南朝。顧野玉。才人已嫁。即鄴辛。名士誰當。曳落詞。出世風懷。蝴蝶夢。傷春心事。鷓鴣歌。聰明得福。人間少。僥倖成名。史上多。簾外芙蓉。好顏色。晚秋寂寞。照金波。兩鬢霜侵。百慮空。願書箋奏。與天公。傳名早死。皆高壽。肯樂貧家。即富翁。執筆羅喉。如上馬。用心蘇綽。本張弓。行藏此日。憑誰問。欲倩黃香。賦九宮。

病起對月

纔卸藤牀。出戶前。舉家驚瘦。老親憐。無秋不病。中年後。有酒重歌。碧月天。燈寫黃花。霜下

影風留紅樹晚來烟。主人小與青山別。觸目清光更宛然。

客至

剝啄柴門響。呼僮掃葉迎。涼蟬知讓客。且住一聲鳴。

侍宮保造樓霞作

偶見先生病開眼。教陪公子看秋山。來修勝景宮俱集。去請鑾輿表正還。小雪晴多冬更

暖。寒林霜重葉全斑。嫦娥似解雲仙會。徹夜清光水石間。說到樓霞喜不勝。尚書前世此

山僧。引來瀑布分三處。陡闢奇峯遠一層。元老獨操風月主。羣公齊獻匠心能。宮門管掃開

花者。尚有詩人王右丞。江寧丞王香巖有宮塔擁帚掃開花之句屈指奇觀數未窮。就中最勝是行宮。兩

松收立黃門外。萬嶺橫陳紫閣東。山似人才搜更出。水如膏澤轉常通。知公不厭閒遊客。一

個狂夫復獨紅。紅從官皆靴而杖獨朱履同來不肯同歸去。遊味從頭再細嘗。山好全憑松色古。春

回還盼水聲長。亭臺分寸無虛設。物力東南幸莫忘。休怪曲終仍奏雅。打禾民正滿殘陽。

余雅不喜次韻疊韻而宮保寄詩彌之不得已再獻四章

尚書抱負何嘗展。展盡經綸在北山。一自風泉歸藻鑑。幾番畫戟帶雲還。高峯未到亭先見。

古廟經秋草盡斑。同入江城將十日。吟魂猶繞翠微間。看山立雪兩難勝。隱者真如退

院僧。掃地松花堪滿掬。倚闌紅葉正千層。石從偶得時憐巧。泉竟搜來自覺能。蒙把烟雲付

才子春華終恐愧家丞。公來北云禪酒烟雲固當讓諸才子石梁精舍望無窮欲取長江入帝宮四面

仙雲生戶牖六朝碑塔半西東斜陽善寫蒼松影春雨能教絕壑通回首師恩與山色霜

燈不負兩宵紅疊韻詩如巖疊浪寄來雅味教深賞山無官鼓更尤永伴有郎君話倍

長玉輦尚遲三歲至松雲何敢一朝忘書中苦訂重遊約待會梅花報曉陽

揚州轉運盧雅雨先生招遊紅橋集三賢祠賦詩

微雨不成雪曉日明紅橋轉運盧大夫折柬相招邀艤舟傍采陌稅駕登烟臯舊雨一樓滿

新霜千林消半席迎王粲終席來孝標王徵士藻劉侍講星焯宏正金蘭簿謝瞻雲霞交缺面或十年

抗手竟一朝繁星託孤月東海匯羣潮非公扶大雅我輩何由遭皇宋三賢臣高風不

可再迢迢五百年此事如有待我公領平山辦香寸心在懷古此山中招隱此山外簷蕩千

琅玕道是程公園午橋大史程公有遺命捨宅為阿蘭公改祠三賢亭臺增舊觀既使故人慰

復使先賢安時時攜酒入處處憑闌干羣公且莫飲賤子有所思三賢在何處一賢今在茲

大江黃天表南流入建康其中有青鸞三年不來翔偶然乘螺舟搥衣君子堂朱履從而

後輕蓬卷微霜水流旗蓋影風遞松花香抗論至騷雅摩挲及圭璋烟帆歸暮雲紅燈迎兩

旁山高月猶小日短情何長強我盡一杯為公留數行平山有時傾此會無時忘

揚州對雪戲作

求官不過張伯松。求財乃學劉伯龍。酒未引人著勝地。雪先含笑語春風。問雪何所笑笑。我不固窮秦散三千金。羣士鬪未終。張湯解此意。田甲與錢通。賈生太將窄。繡衣譏賣僮。天下要物戰國策。南朝經國劉係宗。汝皆不知猶夢夢。妄思又獲如飛蟲。可曾鮮卑語熟琵琶。汝何不學漢賢良。請除鹽鐵追虞唐。又何不學張平叔。請去商人正國俗。胡為乎箕子不知長夜飲。禹王且解下裳行。騎來仙鶴到處舞。心鈎意釣若有情。我道雪莫笑。生財有大道。西施東施同一壺。存乎其人分醜好。孟軻兼金受七十。寧與蘇秦較多少。我且招阿堵。喚青妖。天下英雄子與吾。子之俗處須我洗。我之雅處須子扶。人仗子求高官。吾仗子求異書。子為人呼盧。子為我提壺。不為風花水竹米用子。便使文史元儒笑。且呼。不為璜璠盤匪米用子。便使金童玉娥美。且都。天生萬物貴。用得其所耳。守彼笨伯作虜胡。為子。錢神聞之手拍張。雪神聞之喜欲狂。兩人悔過同商量。共請水仙燒雪作白鏹。定教胡岳滿面生銀光。

夜過金賢村明府即席有作

揚州司廨許宵行。夜踏新城進舊城。一柱金箏兩行酒。有人剛唱淚盈盈。元官風貌似

花嬌。玉笛吹殘病未消。生恐敬兒全體熱。教儂親手試瓊瑤。子野聞歌喚奈何。盈盈方寸

起星河。要他步上蓮花怯。小製纏頭吉莫靴。程立萬贈靴元官嫌小絲哀竹濫角聲。殘雪滿前溪

月滿山。我本龍華同會客。愛吹尺八謫人間。

送劉映榆侍講入都

征袍看拂九秋霜。手採瓊花入建章。遇我尚行前輩禮。因君轉憶少年場。才高筆有東京賦。官久舟無南越裝。劉督學與東同日尋春同鬪酒。當初曾忝蔡中郎。

投鄭板橋明府

鄭虔三絕聞名久。相見邗江意倍懽。遇晚共憐雙鬢短。才難不覺九州寬。君云天下雖大人才有數紅橋酒影風燈亂。山左官聲竹馬寒。底事誤傳坡老死。費君老淚竟虛彈。有誤傳余死者板橋大慟

讀藥下吟感贈牛野園主人

主人劉姓。字春池。為織造計吏。火焚其局。凡家畜梨園樂器及所居園亭。盡償入官。

讀君詩罷我神傷。黃蘗春生味獨嘗。有此高才甘小隱。無多老淚落清商。尚衣局盡三更火。協

律郎餘兩鬢霜。舞扇歌裙如解恨。也隨東海嘆滄桑。名園前歲看花時。為訪姑蘇兩

畫師。照水那知風浪起。賣山翻羨子孫邊。黃金放手來難再。白雪彈琴聽者誰。惆悵英雄回

首晚枕烟亭上負心期

推窗

連宵風雨惡。蓬戶不輕開。山似相思久。推窗撲面來。

陳古漁新婚

一卷文傳紀錦裙。鬢鬢夫婿久超羣。阮修婚費名流助。張祐才華女子聞。紅豆新詞南浦雨。海棠春夢板橋雲。飽瓜無匹今休感。已覓元霜見少君。

標梅休註鄭康成春晚花邊最

有情貧士家原須健婦。高人妻亦喚先生。承歡聽唱姑恩曲。擇木看飛谷口鶯。古漁成婚遷屋從此

蘆簾燈似雪。吟詩一定是雙聲。

除夕雪宮保饋魚

對雪公憐把釣難。特教雙鯉贈魚盤。烹鮮厨下年將盡。燒尾龍門夢未闌。人戶似傳春信到。揚鬚猶帶浪花寒。披裘再拜烟波外。一物還供兩歲餐。

除夕過李竹溪明府

冒雪尋君雪滿身。屠蘇臘酒正橫陳。光陰最貴是除夕。宦海相關惟故人。妾傳公被劾方物盈門爭賀歲。小胥裁帖寫宜春。喧喧士女鬢髮鼓。一路花燈歲已新。

鑷鬚

我昔留鬚曾有詩。今年鬚白復鑷之。昔求其無今求黑。十六年來能幾時。終朝攬鏡不停手。田彼南山如去羨。衰草當秋豈盡除。素絲雖染知難久。白鬚臨行怒然訴。道君逐客真無故。拔毛與世既無利。吹毛於我又何惡。昔我在周朝。燕毛首坐何尊高。又嘗親遇宋襄公。不敢見禽稱戰功。於今骨肉連理生。忽然離別鴻毛輕。黑白太分古所戒。虛老榮幼難為情。主人

笑且言。我本謔涿君。自從諸毛采。紅顏變青春。意雖不樂強自解。英雄從古鬚眉聞。汝又一朝變微雪。使我萬念成輕雲。君不見天公作春秋。落花從容自去留。人生老少無痕迹。大家夢夢登糟邱。汝偏標題哀頽不忘諱。使我臨水顧影心驚愁。美不能鬪百草健。不能挂雕弓。既不知何日為人作曾祖。又不知全白可能參相公。不如有心媚側室。掃除枯稿留青蔥。誓不許汝先編素。星星滿把揮春風。

小倉山房詩集卷十五

巳卯

錢唐袁枚子才

子才子歌示莊念農

子才子。頽而長。夢東筆萬枝。為桴浮大江。從此文思日汪洋。十二舉茂才。二十試明光。廿三登鄉薦。廿四貢玉堂。爾時意氣凌八表。海水未許人窺量。自期必管樂。致主必堯湯。強學佞盧字。誤書靈寶章。改官江南學。趨蹌一部循吏傳。甘苦能親嘗。至今野老淚。潏潏頽道我。比他人強。投憤大笑。善刀而藏。歌招隱。唱迷陽。此中有深意。曉人難具詳。天為安排看花處。清涼山色連小倉。一住一十有一年。蕭然忘故鄉。不嗜音。不舉觴。不覽佛書。不求仙方。不知青鳥經幾卷。不知樗蒲齒幾行。此外風花水竹無不好。搜羅雞碑雀錄盈東箱。牽郭君。衣聘邯鄲倡。長劍陸離。古玉丁當。藏書三萬卷。卷卷加丹黃。裁花一千枝。枝枝有色香。六經雖讀不全信。勘斷姬孔追微茫。眼光到處筆舌奮。書中鬼泣鬼舞三千場。北九邊。南三湘。向禽五嶽遊。賈生萬言書。平生耿耿羅心腸。一笑不中用。兩鬢含輕霜。不如自家娛樂敲宮商。駢文追六朝。散文絕三唐。不甚喜宋人。雙眸不盼兩廡旁。惟有歌詩偶取將。或吹玉女簫。綿麗聲悠揚。或披九霞帔。白雲道士裝。或提三軍行古塞。碧天秋老吹甘涼。或拔鯨牙敲龍角。齒牙閃爍流電光。發言要教玉皇笑。搥筆能使風雷忙。出世天馬來西極。入山麒麟下大荒。生

如此人不傳後定知此意非穹蒼。就使仲尼來東魯。大禹出西羌。必不呼子才子為今之狂。既自歌還自贈。終不知千秋萬世後。與李杜韓蘇誰頡頏。大書一紙問蒙莊。

正月二十二日紀事

尚書公餘發幽想。新歲不見詩人往。顧命材官召某來。白雲可覓人難訪。點也絃歌聲正布。聞呼身作輕鷗飛。後堂直入無絲竹。絳帳一枝紅蠟燭。初將古玉辨琳琅。繼取蟲魚別印章。吟詩風戛幽窗竹。論史秋生舌底霜。野人看書如看水。眼光到處狂言起。當仁不肯讓先生。狂狷惟聞裁小子。五歲郎君出款賓。三千弟子幾人存。重提知遇當年事。俞覺師生此日親。官鼓瑟瑟星欲曙。山人長揖還山去。送客燈明使者衣。回頭月照將軍樹。臨行雙贈紫羅囊。爛似天孫雲錦裳。此意明公應有在。教儂佳句好收藏。

答周幔亭山中招友一篇

兩山屹相向。中有兩賢居。兩賢時相招。歌呼相唱喁。一賢幔亭子。昂昂千里駒。能畫周天星。帝座通噲呼。能測長江線。胸中橫具區。執削道所記。羲農黃唐虞。台布偏褰衣。鉢冠僉棧車。笙宅賦囚山。清涼割一隅。一賢隱隨園。玉佩而瓊琚。挂冠十二年。栽花三千株。所居小倉巔。赤壤雜墳墟。胚胎於清涼。其氣廉以疏。兩山無兩賢。爰爰徒清虛。兩賢無兩山。兀兀空蓬廬。而今既雙得。彼此相夸譽。我自子則戴。子耕我則鋤。雪海我已足。松濤子有餘。滔于飲一石。

孟公飲一盃。酒戶無大小。醉鄉有乘除。此外來諸賢。招之相與俱。徐淑工丹青。蝴蝶夢蘧蘧。黃香賦九宮。文史為嬉娛。王徐汝芳隣。詩律追唐儒。腹齋我從昆。仙履鳴雙鳧。如山聚眾峯。如水匯羣湖。如樂合宮商。如蛩負駝驢。琴彈左琴應。鷺立旁鷗趨。招友得此樂。千金抵須臾。僕乃掉頭笑。如斯而已乎。我請為大招。與子相擲揄。擊筑漸招離。試劍招風胡。挾彈招韓嫣。采桑招羅敷。我若為天公。玉女常投壺。我若為宰相。子路執金吾。我若大勳貴。驅使霍家奴。於今皆無分。且自招其徒。不招漢濯夫。酒氣太豪粗。不招石季倫。俗物矜珊瑚。不招袁彥道。無賴唱梟盧。所招皆目前。一一與人殊。招月使升戶。招風使富鑪。招葉為茵幄。招竹掃行廚。禮從野人野。谷號愚公愚。牧童牛戴牛。酒器觚不觚。若非歌麤糝。定是唱烏烏。有花皆九錫。有賦必三都。山對人而態活。水得主而難枯。星聞歌而欲聚。鳥結伴而鳴舒。各招所招客。各著所著書。子招我未有。我招子亦無。若比淮南王。招隱終何如。

隨園張燈詞

隨園一夜鬪燈光。天上星河地上忙。深訝梅花改顏色。萬枝清雪也紅妝。金粟分行綴玉蟲。淺紅相間又深紅。隔山人唱霓裳曲。笑指先生住月宮。高下樓臺列錦屏。紅珠厯落水雲清。嫦娥似讓燈光佛。捧出銀盤不敢明。熱戲俳歌火鳳謠。金缸銜壁影相交。引先奴逞擎雲手。遍摘春星挂樹梢。盧仝吩咐小心風。珍重封姨護燭龍。一陣丁東鈴索

響水痕花影蕩千重。誰倚銀屏坐首筵。三朝白髮老神仙。熊淵齋太史道看羊侃金花燭。此景

依稀六十年。太史云年十五時舉京兆寔宛平相公怡園見張燈相似今重赴鹿鳴矣客散華堂酒未收。重教金狄守更籌。

簾波聽喚青衣捲。別有名花照影遊。紫明供奉漸婆娑。倦把青黎走絳河。笑我金蓮舊

詞客。照花時少照書多。

遊仙詩

當年足下看雲生。三疊琴心道已成。誤寫上清蝌蚪字。一篇真誥不分明。風引三山境

寂寥。碧天吹斷水精簫。關心子晉顏如玉。身隔雲屏手亂招。迢迢白練耿秋河。織女重

來恨已多。八萬六千明月戶。不知何處認嫦娥。相招須把碧芙蓉。海上歸來雪萬重。同

住玉真清冷地。不司符錄便從容。東海塵揚阿母家。年來勾漏少丹砂。有人手執青鸞

尾。獨立蓬山掃落花。

海棠詞

春花開到海棠枝。天意來催艷體詩。誰把嶸山萬重雪。盡貽兒女作胭脂。東風儘力送

紅潮。人自消魂雪自飄。不信天孫織雲錦。年年都挂此花梢。聽得流鶯向曉催。捲簾紫

玉已成堆。生愁夜半成烟去。自取銀燈照幾回。當年妃子鬪風華。浴罷華清鬢小斜。國

色半酣紅玉軟。至今留影漾窗紗。我亦曾披宮錦行。昏昏春睡不分明。輸他花上金衣

鳥裏著紅雲過一生
寄數行

九錫無人奏綠章
自慚虛作紫微郎
夢中彩筆珍珠字
擬託朝雲

春日雜詩

千枝紅雨萬重烟
畫出詩人得意天
山上春雲如我懶
日高猶宿翠微巔
漠漠輕陰雨

後看支筇長自倚
闌干正嫌花氣無人送
一陣東風過玉蘭
水竹三分屋二分
滿牆薜

荔古苔紋全家雞犬
分明在世上遙看但綠雲
清明連日雨瀟瀟
看送春痕上鵲巢
明

月有情還約我
夜來相見杏花梢
萋萋芳草遍春潭
深院無人綠更酣
何處一聲清磬

響斷峯西去有茅菴
玻璃作鏡富雲鋪
返照春山入畫圖
自憶頭銜揣風骨
此生只合

住冰壺
鑿得雙湖似故鄉
一枝柔櫓泛春航
落花水上凌波立
還擬人看舊日妝

風亭月榭事匆匆
圍漸繁華我漸窮
半世經綸十年俸
思量都在水雲中
袖拂孤雲理

素琴那知門外落花深
山人不飲河東酒
只要君王賜茯苓
銀箏低按古涼州
聽水聽

風夜正幽忽報樹梢燈
似海小紅歌罷盡回頭
柴門掃雲雲不開
雲中置酒臨高臺
夕

陽辭我下山去
明日問渠來不來
自把新詩寫性情
勝他絲竹譜春聲
流鶯啼罷先生

唱各有閒愁訴不清

題曹麟書學士天下名山圖即送其乞假歸里

八十七歲學士何處來。方瞳綠髮顏如孩。意欲吞盡齊烟九點上天去。故把名山幅幅都安排。左手抱崑崙。右手拍洪崖。使我一見心驚猜。疑是夸娥之神負山至。又疑徐福之船從海回。那知朱家為兄劇孟弟。當年雞壇同敵長安街。長安李夫子。玉洲宏農諸仙才。夷門大會敦盤盛。誰執牛耳升高臺。君年最長我最少。浮萍一聚風吹開。人生轉眼如夢耳。二十五年海水飛塵埃。諸賢晨星半錯落。李公白骨榮蒿萊。我亦清霜上頰久隱矣。君方長劍拄頤事玉階。平生舞刀奪槩英雄志。氣小差未惟有宋玉登山臨水之心。猶未灰。發烟黑。寫雲雷。五丁捧筆萬靈磨。塵不必移滿長驅八神駿。不必向平踏破雙麻鞋。只須一頁展開處。但見清都紫府眼前則。律而崔魏青宮尚待桓榮駕。曼倩難戀瑤池杯。太公磻溪方坐釣。兩耳頗聞文王催。前別既已遠。後會何時偕。但問黃石公。他年滄海騎鯨去。可要圮橋進履之孺子擔登相追陪。

題碎琴上人集

一代編詩史。寬收幾個僧。斯人宗獨漉。上人自稱獨漉先生之後流派自南能。賣卜簾垂市。抄書佛借燈。勸將狸德隱。差免十方憎。

制府西園小修工畢遊後賦呈宮保

山事畢棲霞。山公坐晚衙。自安三品石。小綴一庭花。邱壑憑心造。烟巒愛客夸。數拳猶未足。

採到野人家。不繫舟如舊。亭臺事恰更。添廊通兩路。分竹散秋聲。石罅蒼松補。窗虛碧瓦明。公餘射鵰處。楊葉與雲平。自寫為山好。新詩賦六章。三江看雲物。四度感滄桑。水靜游魚樂。簾青夏日長。鳴鳩隔花報。春雨足新秧。我與西園柳。蒙公種廿年。自慚頭似雪。不及樹參天。相隔纔三里。賡歌每數篇。春風沂水意。舍點向誰傳。

宮保和詩

斜照映紅霞。濃陰放柳衙。山凝環几翠。風颺隔簾花。大厦漸無補。芳園詎足誇。梁間雙燕子。不認是誰家。亭臺猶是昨。轉眼景全更。石磴含雲氣。蕉窗帶雨聲。松青鱗半老。波漲鏡初明。頗有才人意。文無一筆平。老去詩情減。相思有和章。幽懷耽水石。農事念蠶桑。竹影迴廊靜。鶯啼午夢長。栽花還意懶。幾度問新秧。羨君生計好。高卧自年年。宦海渾無岸。桃源別有天。琴書消永日。雲物入新篇。笑我舟難繫。空留客舍傳。

杭太史董浦寄示嶺南集奉酬三十六韻

嶺海新詩至。空山老鳳鳴。焚香盥雙手。展卷到三更。蜃氣青紅色。鈞天雅頌聲。傳經百粵地。灑翰五羊城。南斗文星避。西河講席傾。塗金尋漢塔。呵手試端硯。樹寫黎龐義。糕題鬼子名。離宮開絳帳。化雨沃仙莖。曉夢梅花落。高談孔雀驚。三千詩弟子。六一古先生。陸賈歸裝富。庚桑尸祝成。豈徒娛暮景。真足慰交情。憶昔公車召。相將殿上行。采薇先輩引。師律丈人貞。德

講資匡鼎。噓枯到欄衡。充宗冠嶽嶽。郭憲氣航航。夜訪蓬池月。朝騎太乙鯨。隨肩冰署冷。分
手玉堂清。慷慨論封事。寬容賴 聖明。白衣辭領職。短鍤許歸耕。烏豸儂先誤。龍鱗爾更櫻。
三山成小謫。一樣誤前程。倭乞蕭夫子。人師馬長卿。弓衣詩繡滿。躡臂女兒迎。近海文瀾闊。
還家五兩輕。珠娘曾買否。曷博幾輸贏。五十喪無毀。三虞事未營。孤廬還薦士。時薦胡生猿
來白下
鶴豈忘盟感。舊山陽笛。藏書晏子楹。有人遊白下。幾載滯歸旌。鄉井離黃籍。江東作步兵。書
來風動竹。別久柳啼鶯。以我紅顏改。知君鬢雪盈。無車難越平。望遠但沾纓。想和軒轅律。遙吹
子晉笙。蒼茫千里月。執訊代班荆。

遣興

富春嚴子陵。谷口鄭子真。亦自懶惰耳。心非有所嗔。男兒不作官。豈遂無立身。必求所以然。
定知非解人。 人難作我兒。我難作人父。所以生不育。皇天不輕與。古來真才人。俎豆非
兒女。諸公莫相關。我自存千古。 貨殖子貢富。獲牖原憲貧。富乃勞其力。貧則苦其身。治
生貴有道。行樂貴及辰。自活苟無才。何以活生民。 荒山本無牆。梅雨復來敗。山居已十
年。盜賊尚無害。灞上李將軍。未必餘威在。楚國舊令尹。或者有遺愛。 當時只望老。以便
好辭官。此時只畏老。以便常尋歡。望之恰已至。畏之不能逃。始知望與畏。兩念俱徒勞。
古人吾不服。今人吾可知。惟其去人遠。執禮彌謙卑。奕棋貪有伴。降心以相從。應付吾手上。高

低吾心中。當年修隨園。過溪事營造。今年修隨園。溪內日探討。遠修跋涉。腹裏翻未了。近修結構易。亦復偃息好。始悟古諸侯。封國不嫌小。

話桑麻圖為方綺庭明府題

東漢張君游。驅騶漁陽道。前村有桑麻。顧之欣然笑。先生綰綬時。與彼作同調。風和柘樹陰。雨晴麥隴初。捐除長官體。輕乘倉稜車。召彼野老詢。桑麻今何如。

桑者前致詞。今春葉

青青。麻者前致詞。漚管得奇贏。使君未來時。士化多未宜。使君既來後。犬足多生鬣。使君不嫌醜。敢獻村中酒。山妻急繫裙。牧童忙鼓缶。長跪問使君。見過唐堯否。使君忽心動。我亦有桑麻。汝既安汝業。吾亦憶吾家。高掛烏紗冠。歸看白門花。白門有一人。種桑十年矣。半樓青溪雲。滿徑桃花水。若再欲話時。請君來洗耳。

偶題

春歸未歸雨復晴。竹西牖戶風冷冷。野薔薇喜沒人到。雪白小花開一庭。

香亭自徐州還白下將歸鄉試作詩送之

一別鬢如此。全家怪汝蒼。滄桑生面目。世事感星霜。到眼園亭換。關心兒女長。阿兄難免俗。先要問歸囊。

聖主崇詩教。秋闈六韻加。今年得科第。比我更風華。五字清商脆。三條畫燭

斜。相期呼小宋。追步八磚花。

去年書慰我。作叔苦無因。

香亭和余失子詩云。薄福難為叔。添丁轉惱爺。門戶堪誰

託芸香少後塵。桂花兼子采。荆樹及時春。莫再生才女。能詩便嫁人。戲四
柴門汝未開。到時花繫馬。飲處月當杯。遊子隣翁認。高歌啼鳥猜。增崇棣館。頭白我歸來。

聞說新居勝。

悼柳

水上古柳。彎環如老龍。余誅茅築岸。理而出之。置亭焉。顏曰柳谷。不逾年柳死。

受賞非君願。相知愧我塵。建亭流水上。從此好春無。古幹寧辭伐。殘枝強欲扶。蘭成枯樹賦。吟罷覺心孤。

傷鶴

二鶴翱翔羅外。獵者過。以為可羹也。火槍一發而斃。

奇禍發清流。乘軒兩鶴休。火攻真下策。羽化入高秋。小瘞苔痕薄。平沙爪跡留。神仙還有劫。何處免閒愁。

諸知己詩有序

曹公以太牢祭喬太尉。卽宣尼報德之說。阿瞞猜忌。猶知此義。況君子乎。枚少也賤。長登仕途。好我者中心藏之。今生四十四年矣。伏而不出。髮有二色。所報可知。每學張步自呼負負。計不與形骸俱化者。惟有文字。做少陵八哀。聊志寸心。其他或頌其生。或輓其死。見集中者。不復再見。金公恩最深。故重言之。生存者。滄海一相而已。統

題之曰諸知己詩。

禮部侍郎浙江提學王公蘭生

予幼學典謁。觀光逐人走。試擅書九千。飲水墨一斗。奕奕王交河。許作童子郎。膠庠騎竹馬。觀者嘆道旁。蟠桃花未開。春風吹已早。秋來寧不實。自愧登盤小。

兵科給事中浙江提學帥公念祖

杭州蘇司業。羣士附如毛。非其所薦者。竊竊愁琴焦。帥公無先容。拔我升前茅。按劍對夜光。掘獄出毫曹。長安一為別。咸陽萬里遙。青蠅宦海飛。白骨沙場拋。可憐養鸞鷲。不見賦鷓鴣。何當抱孤琴。塞外將魂招。公為陝西布政使。竄死塞上。

處士柴東昇

瀨水一奩飯。鬻桑一頓餐。當時寸心足。此事千古難。我昔粵西行。助者柴先生。先生非有餘。蓬幕分杯羹。君家耕南弟。與我臭如蘭。以愛及所愛。同舟赴高安。富春江水清。洪都江月白。照我與君遊。照君與我別。如何照施恩。不能照報德。

廣西巡撫金公鉞

中丞巡粵西。大阮遊幕中。馳書招我往。一見呼終童。作奏薦之天。署年驚王公。詞科三百人。爭來趨下風。我遊蓬萊池。公歸兜率宮。愛我眉宇異。期我爵位同。語我韜略計。許我旂常功。

一事不能副。兩淚何由終。九原如可作。持面愁相逢。

協辦大學士吏部尚書孫公嘉淦

孤鳳蹲青桐。不鳴如有聲。金鐘懸東序。萬物肅儀型。孫公司爽鳩。海內儒林亞。天瑞五色雲。丹青佐神化。我來溫卷時。春風吹滿面。已助阮修婚。更作正平薦。登門已足榮。何況噓植之。千秋湖淵源。大賢為吾師。

太常寺卿唐公綏祖

唐公智勇深。馬秋懸冰鏡。一顧市可空。九折臂逾勁。賤子趨末階。短衣不掩脛。公命下達來。平章將女贈。我曾訂范雲。何敢學子敬。緣薄已慚恩。福薄更慚命。讀祭喬公文。琅琅不忍聽。

文淵閣大學士史公貽直

唐時顯慶輅。皇宋夸物在一。鳳鳴虞廷。雍容六十載。周官三百六。歷歷皆所司。唐區十五道。各各駐旌旗。開口姚元之。放手杜黃裳。瑕瑜不相掩。才力堪低昂。兩公以姚杜奉詔教翰林。我擬策一通。謂有陸贄直。而兼長沙忠。萬金何足感。一言長在心。仰止一品集。封教涕淚深。

編修李公重華

仙人碧虛骨。不染明窗塵。偶歌梅花詩。冰絲彈孤雲。市上逢郎君。雞壇敦夙好。門下作門生。裴皞啜其笑。長安鳴珂里。姑蘇青雀舟。夫人行大享。內子折花籌。思之如前生。華屋悲山邱。

御史王公峻

孤峯生大海。四顧全無地。志士立中朝。寸心惟有帝。先生獬豸冠。目作愁胡視。屢請上方劍。王孫何自厲。愛我賦秋蘭。逢人夸姓氏。卿輩縱不聽。奮舌行吾意。說士甘於肉。排闥時掉臂。歸老擁皋比。得免魑魅忌。千秋寂寞名。表章誰我繼。

兩江總督德公濟齋

講學俗儒耳。惟公便覺雅。為問所以然。一真黜百假。宗藩靜而尊。服侍皆宦者。赤子心盤旋。黃金手揮灑。置身三古前。遊月兩廡下。排眾用一賢。命我擁雙社。幸遇朽木雕。擬躍祥金冶。嗚呼伯樂去。憔悴終天馬。

兩江總督榮公楞

策公不知書。能收英雄才。龍泉迎風胡。一見心顏開。彼此留不得。兩心各自哀。賤子還鄉井。將軍去輪臺。陳湯誤買子。班勇無軍功。蛇矛兩手折。鐵鎖九天封。未獲訊廷尉。先聞劫義公。肉飛瀚海草。血涼天山風。吾欲負馬革。裹骨祭鬼雄。

福建布政使陶公士鑽

寸寸離官樂。行行驄馬止。相逢陶士行。苦留王禪子。問公識我歟。公云不識君。上指丹鳳闕。下指黔首民。

李名世秀才

我聽溼邑訟。有客戴儒冠。日日立堂下。如石點頭看。疑是攫獄者。來探鞫刺端。覺不干我事。姑且聽其然。亡何我改邑。驅車出郊外。此人伏草中。奔向車前拜。云是高滔人。偶來溼邑界。愛我聽訟明。賃屋居此間。日聽一二事。歸與父老傳。我方拱手謝。彼復攏袖言。餉朱提八流。願當劉寵錢。拒之復淚下。受之我茫然。從此一為別。騰身如雲烟。感君好善心。愧我酬恩意。冥冥三十年。惻惻至今記。記得門狀書。秀才李名世。

詩畢後再題一絕

事難如志都歸命。詩豈酬恩略表心。回首河山宛在。相思便作幾回吟。

避暑

避暑無他法。安身有祕方。只離紅日遠。自覺碧天涼。

起早

起早殘燈在。門闌落日遲。雨來蟬小歇。風到柳先知。借病常辭客。知非又改詩。蜻蜓無賴甚。飛滿藕花枝。

改詩

改詩難於作。辛苦無定程。萬謀著不下。九轉丹難成。遊覺後歷妙。陣悔前茅輕。抽絲緒益引。

汲井泉彌清。妝嚴絕色顯。葉剝孤花明。如探海嶽勝。人到仙不行。如奏鈞天律。鳥啞鳳始鳴。脫去舊門戶。仍存古典型。役使萬書籍。不汨方寸靈。恥據一隅霸。好與全軍爭。吹角不哭徵。塗紅兼殺青。相物付所宜。千燈光晶燦。甯兀不願墜。甯險毋甘平。動必拔龍角。靜可察蠅蠅。選調如選將。非勝不用兵。下字如下石。石破天方驚。豈敢追前輩。亦非畏後生。常念古英雄。慷慨爭功名。我噤不得用。借此鳴。荀鑿盡才而後止。華夏有正聲。凡彼小伎藝。傳者皆其精。奚可聖人教。飽食忘經營。止怒莫如詩。管子歌之可怡情。多文以為富。權之勝百城。既省絲竹費。兼招風月聽。上鳴 國家盛。下使羣賢廢。縱死見玉皇。猶能獻韶英。

風帆

一葉高懸浪拍天。孤迎紅日孰爭先。風非不順吹難飽。海縱無邊住有權。力大勝騎龍馬走。身閒長抱水雲眠。篙工未肯將君用。要等餘皇萬斛船。

馬鞭

烟樓撞處久摩空。曾記馳驅閭苑東。斜指斷腸雲外樹。自鳴得意馬蹄風。隔花傳響春山遠。帶雨催程落照紅。一個祖生追不上。歸來忍待管絃終。

大樹

繁枝高拂九霄霜。陰屋常生夏日涼。葉落每橫千畝雪。花開曾作六朝香。不逢大匠材難用。

肯住深山壽更長。倚樹有人問名字。為言南國老甘棠。

古琴

箏琶海內傳新曲。禮樂千年剩老身。挂壁尚存清廟夢。過時誰奏廣陵春。敢隨武庫爭高價。只覺羲皇是故人。我不知音偏好古。七條絃上拂灰塵。琴操曰伏義造琴

夸父杖

八荒霍霍驚仰首。空中夸父逐日走。拔山倒海事事終。不追白日非英雄。果然手捉黃金鳥。問公此樂胡為乎。如何口渴顏色槁。一枝杖作鄧林草。

延陵馬

延陵卓子馭馬猛。前有霜刃後有挺。馬行不進斬以狗。馬骨之高與山等。伯樂見之泣不止。造父之御不如此。天生神駿美且都。八公之廐有若無。

刑天舞

鸞鳥能歌鳳鳥舞。刑天效顰舞更苦。左于右戚舞不休。天帝欲笑千靈愁。爾力非不大。爾心非不賢。臣有一言陳蒼天。先賜頭目後賜手。俾知好醜能折旋。

狄鞮倡

妖嬈狄鞮倡。不嫁年少郎。不知女誠字幾行。但願高車大馬來。煌煌吹笙酌斗烹肥羊。豈不

懷故夫。故夫羅袖多明珠。豈不彈青琴。青琴惜惜非妾心。豪客愛妾媚。君王愛妾嬌。終身不出黃金屋。老大還吹白玉簫。嗚呼。君不見天邊孤月長門斜。絕色相娥啼暮花。

得履詩

山齋失玉履半年。為金明府吳奴攫去。鬻蘇州不售。再鬻揚州。金公廉得。頭末遣復故所。

飛鳥久化采雲輕。故劍重聯舊雨情。見面儼如遊子返。還家轉使主人驚。身行吳市春帆遠。夢覺揚州秋水明。想為林泉緣未斷。隨風又到石頭城。屢亡冤雪徒人費。璧返功歸藺大夫。神物終憑犀照得。奴星不累月明孤。果然世有重圓鏡。勝使人求罔象珠。安得富官盡公等。早提塵海入冰壺。

刈稻江北作

無端幽人出。有似白雲去。一笑下空山。書燈照江樹。江上青青峯。黃昏若鷲顧。不道細雨中。尚有孤舟渡。雨行聖人為。蘆中窮士寄。行行駐風帆。萋萋傍古寺。波靜風葉停。澗寒水花細。日暮問芙蓉。有人采卿未。老農烟中來。牽犢迎田主。豐歉各自呈。紛紜具雞黍。牀前紅葉霜。衣上稻花雨。四隣無雜聲。農談相爾汝。雨多禾生耳。田蕪且喜土。化宜彼黍終。離離飲罷瓦盆酒。握別牧童手。明年吾再來。門前綠雙柳。回船逢中秋。天水澄孤清。私心念明月。

果然東峯生。蘭幟駐瓜步。錦衾隔石城。清宵不成寐。浩歌酬吾情。

送竹軒族弟之河南兼簡滑令呂君

吾宗遠行邁。霜色淒河梁。因依十餘年。携手此華堂。詩書同檢校。家事相扶將。一朝辭我去。蓬矢射四方。貧家養十客。九客猶羣翔。胡為我從昆。頃刻成參商。階下芙蓉花。娟娟泣道旁。春榮嫌葉密。秋老愁枝傷。今我復何時。兩鬢初凋霜。豈不願君留。彼此看空囊。豈不勸君醉。驪歌難盡觴。惟有贈一言。富貴早還鄉。讀書於半解。往往言多尤。遇人無單複。如水行膠舟。汝今初涉世。韋絃須矯揉。行行重自愛。毋作高堂羞。我有舊官聲。煩君作遠郵。寄與呂大夫。滑國為賢侯。我有閒邱園。無力起亭樓。望汝携歸資。來此築菟裘。兩願都能償。老夫復何求。但託紅鯉魚。寄書碧山秋。

捲簾

偶捲北牕簾。風吹春色冷。一僧一朵雲。同上青山頂。

哭三妹五十韻

五枝荆樹好。忽隕第三枝。最是風華賈。還兼窈窕姿。令儀宜協吉。論齒未應衰。情以隨肩重。喪因在室悲。鵲鴝飛竟斷。手足夢重追。弄樂爭花日。將笄未弁時。金籠擒蟋蟀。竹馬逐隣兒。各踞長松鍛。同分野竈炊。書燈裁紙照。學舍隔簾窺。呵手團清雪。當盤算劫棋。鬪殘春豈綠。

舞罷柘枝歌。貧不爭梨栗。權能詠豆萁。非魚常作隊。似雁不差池。擬續蘭臺賦。堪刊紫石碑。
阿兄試京兆。小妹倚門楣。望信頻穿眼。登科代展眉。分襟長戚戚。聚首更怡怡。至性醇無比。
多情累在斯。一聞婚早定。萬死誓相隨。朱鳳從鴉逐。紅蘭受雪欺。踏搖囚素髮。罽擗凝脂。
瑱珮嬰兒徹。犁鋤健婦持。贅餘添姊妹。嫁後失爺慈。捨宅樓蘭若。長齋伴濟尼。富官懲塔惡。
合族笑姨癡。婦棄仍歸矣。天高不鑿之。已經分破鏡。長自奉慈帷。紛悅辛勤侍。羞澁死轉吹。
呼盧老親伴。問字舉家師。有女空生口。無言但點頭。妹一方形勤指矩。圓象强摹規。水色雲
沈閣山光樹。轉鸞避人常。獨坐對影輒。連雨豈戀終。風暴常懷其雨思。冰心明月見春恨。落
花知寂寂。芳華度奄奄。玉貌移。九迴腸早斷。一日病難治。自覺傷心極。臨危作遠離。家貧投
賤藥。膽壯誤庸醫。白下巫陽至。揚州蕩子羈。魂狐通夢遠。江閣送終邊。得信前一夕夢路上
錢猶卜。靈前帳已披。承衾摩瞑目。搜篋理殘詩。欲止高堂慟。先教私淚垂。蒼茫惟有恨。啼勸
兩難為。苦憶連年瘡。頻勞徹夜支。今朝偏送汝。他日更呼誰。殘雪敲窗戶。悲風動酒卮。浮生
千古幻。哀輓幾行辭。盼斷黃泉路。重逢可有期。

陶淵明有飲酒二十首。余天性不飲。故反之。作不飲酒二十首。

淵明與劉伶。開口不離酒。終竟兩人賢。果然為酒否。我自赴華胥。不煩杜康引。酒味吾不知。
酒意吾能領。醉鄉去中國。不知幾萬里。偶一問其津。身熱頭痛耳。所以桃源人。雖隣莫

通使惟有書味甘。行行堪沒齒。禹王大聖人。先我惡甘旨。千鍾與百榼。倦勤從此始。客

至如春風。來者皆入室。率性任所言。寒暄各一一。可以具雞黍。可以聽瑤瑟。欲宿即張燈。解吟亦進筆。若問有酒否。此事未可必。天地無終極。風輪盪不禁。不知古人古。安知今人

今。吾園二三月。全家釣水濱。彼得此亦喜。此失彼亦嗔。適野獲天趣。忘機蘊性真。自笑一

家人。都遊羲皇世。儀狄尚未生。何由知酒味。有目必好色。有口必好味。戒之使不然。口

目成虛器。縱之使無涯。我又為渠累。聖人善調停。君子素其位。古皇無史官。宣尼不著

書。古之大聖賢。淡淡忘名譽。君看臯夔外。傳者為誰歟。文王有多士。名姓亦無聞。女媧戲團

土。本自難區分。我不知有我。而又奚云云。讀書息微倦。危坐操青琴。求靜常反動。絃中

怪此心。明知非古曲。聊復審其音。海水飛何處。鐘期亡至今。借問聽者誰。門外幽蘭深。

名教有樂地。一誤殊難曉。英雄與文人。往往託佛老。匪自矜清超。即是貪壽考。譬如飲酒

人。非此難自了。吾學無不窺。惟憎二氏書。看則縮其額。如嗜菖蒲酒。大道有周孔。奇兵出莊

周。橫絕萬萬古。此外皆蚍蜉。君請擇於斯。何事更他求。陶令責子詩。愚多賢者少。未免

心戚戚。借酒解懷抱。我今雙無之。陶聞亦云好。無所藉杯酌。匪我求童蒙。得姓三千年。未必

以我終。君看鄧伯道。亦得歸邱中。班家有姨好。稚齒入椒房。自恃君王愛。思如海水長。一朝詠紈扇。朱顏逐漸凋。君王縱復召。終讓新人嬌。寂寂長信宮。泔泔泣不止。初泣為紅顏。

再泣為青史。華髮吹秋風。此生長已矣。

古來功名人。三皇與五帝。所以名赫赫。比我先出

世。我已讓一先。何勞復多事。平生行自然。無心學仁義。婚嫁不視歷。營葬不擇地。人皆為我危。而我偏福利。想作混沌人。陰陽亦相避。灌花時雨來。彈琴山月至。天地亦偶然。往往如吾意。

風霽月色明。露影蒼台上。幽人清興發。杖策成孤往。不知所尋誰。寓目即心賞。隣人知未眠。水面鶯聲響。

細雨過深竹。水影澄空雲。不知何處花。微香如有聞。漸漸春風和。時時芳草重。自書一片葉。告知雲中君。

我愛王思遠。粒服何燦爛。遇所勿經懷。短衣不掩骭。又愛桂陽玉。興到詩酒濃。偶意有所屬。戚友不相通。君去我欲眠。君眠我亦去。不藉醉為辭。天懷有深趣。

躬耕吾不能。觀耕園最便。水響叱牛聲。土色老農面。老農前致詞。秋災求減租。我乃傭其力。以有易所無。農夫喜聳肩。欣欣來負輿。我亦恣所往。看花招其徒。春風熏玉顏。秋月澄冰壺。旁人誤生疑。先生醉矣乎。

春陰漏日遲。嬌鳥啼花早。羣鳥音難分。但覺春懷好。既醒復重眠。紗窗碧烟曉。啼鳥莫相催。春夢儂猶少。任事在人後。見事在人先。以之涉斯世。庶幾無尤焉。吾年方垂髻。早已登賢書。三十挂其冠。四十白其鬚。味早易撤席。遊早易回車。一早無不早。未知死何如。

兒童籠翠鳥。朝夕鳴前軒。飛者念其朋。籠外語殷勤。一朝膠絲發。以情累其身。彼傷鷓鴣智。何如精衛仁。吾其愧鳥夫。斯人吾同羣。

形神天所付。名字吾自取。形名兩無時。此身置何所。朝見一莖絲。暮吟一首詩。

形神天所付。名字吾自取。形名兩無時。此身置何所。朝見一莖絲。暮吟一首詩。

形神天所付。名字吾自取。形名兩無時。此身置何所。朝見一莖絲。暮吟一首詩。

形神天所付。名字吾自取。形名兩無時。此身置何所。朝見一莖絲。暮吟一首詩。

形神天所付。名字吾自取。形名兩無時。此身置何所。朝見一莖絲。暮吟一首詩。

形神天所付。名字吾自取。形名兩無時。此身置何所。朝見一莖絲。暮吟一首詩。

形神天所付。名字吾自取。形名兩無時。此身置何所。朝見一莖絲。暮吟一首詩。

形神天所付。名字吾自取。形名兩無時。此身置何所。朝見一莖絲。暮吟一首詩。

形神天所付。名字吾自取。形名兩無時。此身置何所。朝見一莖絲。暮吟一首詩。

形神天所付。名字吾自取。形名兩無時。此身置何所。朝見一莖絲。暮吟一首詩。

形神天所付。名字吾自取。形名兩無時。此身置何所。朝見一莖絲。暮吟一首詩。

借形傳我名。名傳形不知。嘗讀高士傳。過潔亦無聊。太谿刻自處。生世如鴻毛。我雖不飲酒。恰能舖其糟。雲閣自層層。風裳必楚楚。燈圍花萬重。屋聚書千古。寄語於陵子。君輩徒自苦。

夜過瓜洲

霜雁一聲語。烟江兩岸秋。蘆花三十里。吹雪滿船頭。我欲乘潮去。孤帆夜不收。蒼茫雲樹外。

明月出瓜洲

明月

明月乍離海。長風吹上天。爭尤眾星盡。受影一峯先。水色金波麗。秋心玉鏡圓。雙雙木蘭漿。

搖落桂花烟

哀雨生 并序

甲子分校南閩。薦兩卷不售。一松江陳邁晴。一太倉吳維鷄。陳故宿學。榜後作百韻來謁。斐然成章。未幾病死。吳為梅村先生。曾孫。少年玉貌。登癸酉賢書。亡何亦死。

蓬蓬江南春。青青芳蘭枝。舉世既莫採。秋風復敗之。蘭敗復何言。寸心傷美人。美人如明月。曾照幽蘭春。吳生華腴族。弱冠人如玉。陳生雲間彥。烟霄躡鸞鷲。薦君不識君。孤琴彈白雲。相感來相訪。賞音良不爽。忽弱一個焉。天道其如何。再聞雙壁埋。吾淚空滂沱。吹花不上天。

一墜且黃泉。世上峨峨冠。寧如兩生賢。

又病

山中蒲柳畏西風。白髮催添又幾重。病每防秋先自怯。天如成例不姑容。詩書暫遠妻孥近。膳飲纔清藥氣濃。消受名花都有分。年年只是負芙蓉。

送望山公入覲

九月尚書覲。紫宸九重剛下有。温綸。皋夔豈為科名重。本朝滿洲科目惟馬鄧新

兼。帝室親。抗手侯王俱後輩。趨庭公子半詩人。弓刀小隊秋郊外。笑指芙蓉殿晚春。

少宰裴叔度典試江南事畢登程入山視疾

柴門駐馬日斜曛。八座籠街病客聞。天上使星尋舊雨。山中孤月照卿雲。同年人少情難捨。

候送官多手又分。方握手而飛騎報將軍制府出城倚榻相迎扶榻別。燈窗葉落尚思君。

贈副主試錢相人先生

種成桃李滿江陰。遠訪成連海上琴。見到小君交可想。記同泮水感尤深。青雲不改書生面。

白簡難忘獬豸心。公曾劾兩江制軍黃太保一十五年纔一會。那堪此後再如今。

假山成

三成號昆侖。此義本爾雅。幽人戲為之。輦石雜青赭。初將地形參。繼用粉本寫。高低肯隨人。

其妙轉在假。平生欽崎心。一旦吐諸野。微微洞穴明。漸漸雲烟惹。五嶽走家中。一拳始腕下。未晚早高門。慮有飛去者。

寄懷望山公

袞衣人去雪飛時。一月空山少和詩。豈獨忠勳高海內。卽論儒雅亦吾師。東南事重回輪早。臣主情深下殿遲。寄語梅花緩調鼎。孤雲野鶴正相思。

不寐

一聲兩聲雞初鳴。四更五更天未明。羣雞亂啼聲漸迫。紙窗纔露東方白。病人夢短冬夜長。燈花墮几鼠鬪梁。頭自伏枕目自張。四十年事如何忘。

商丁孫尊歌為素將軍作

素公雙瞳今罕有。辨古器物如犀剖。雞匱魚竅羅成行。就中商尊尤冠首。規身環濇東半腰。侈口吞舟容一斗。紅搖赤水珊瑚明。翠凝碧瓦琉璃厚。蛟龍揚爐鳧氏鑄。丁曰孫三字垂非。陰花陽篆劃深雪。雷紋雲氣蟠蝌蚪。黃目睽睽當臍臄。飛廉嘖嘖繞腹走。想當元女降生商。兄癸婦庚鑄彝白。大局七個橫廟門。典寶一篇陳輔右。媵臣負俎說調羹。成湯嫁妹狄作酒。或盛道鸞彤祭日。或斟雉羹彭鏗。史官高執來峨峨。稱祝尊前再拜手。道是器成永寶用。子孫無疆王萬壽。三股有玉盤有銘。同與此尊垂遠久。一朝膜畫封河陽。白馬人行器不守。

麥秀空傳箕子歌。銅盤早蝕比干紐。三千年過太陰中。不知有周秦更否。神物數滿富出世。咸陽耕夫傳某某。苔鏡土繡形離奇。達官幾視等瓦缶。素公一見購百緡。如辨瓊羊識土狗。召良工某刷作瓶。月洗黑雲光照牖。沃丁武丁靈奕存。猶銜花枝香滿口。甄邯威斗子尾犧。若數班行都列後。我乃撫尊長嘆息。世事輸君常八九。函牛之鼎富康瓠。折鈞之喙享敝帚。人才那得如金銅。長在泥沙不速朽。願公愛土如愛尊。毋使埋淹嗟不偶。

韓孫文定公戊午鄉試座主

黃扉躬佐泰階平。星隕中宵梶馬驚。青史三朝書行狀。蒼生四海望銘旌。殊恩禮自加羊祜。溢美公為名累人幾累孔明。身後關心房太尉。有無遺表諫東征。偏稿一案

隨園二十四詠

倉山雲舍

小人有老母。倉山多白雲。奉母居山中。板輿常欣欣。看花與山共。采藥與山分。

書倉

聚書如聚穀。倉儲苦不足。為藏萬古人。多造三間屋。書問藏書者。幾時君盡讀。

金石藏

不見古人面。須見古人手。廣搜金石文。歐趙所未有。何物為之鄰。瓊琬尊鼎首。

小眠齋

秋齋號小眠。空廊無響屨。讀倦偶枕書。書痕印滿頰。不知牕外花。飛過幾蝴蝶。

綠曉閣

朝陽耀高閣。萬綠一齊曉。虛窗聚景多。宿雲出簷早。翠微西山低。白塔東城小。

柳谷

宅西顏柳谷。義取尚書詞。未必康成識。差免虞翻譏。春痕搖水痕。滿池如漚絲。

羣玉山頭

梅花雜玉蘭。排列西南峯。素女三千人。亂笑含春風。我記相別時。瑤臺雪萬重。

竹請客

盧仝所思客。乃命竹竿請。何繇知非僕。長教此君等。美人來不來。立斷風鬟影。

因樹為屋

銀杏四十圍。葉落瓦無縫。主持小倉山。惟吾與汝共。更借屋上蔭。招宿丹山鳳。

雙湖

我取西子湖。移在金陵看。時將雙鏡白。寫出羣花寒。前湖饒荷葉。後湖多釣竿。

柏亭

種柏成一林。屈折為庭宇。吳頌文杏梁。已遮碧瓦雨。翠禽居之安。日坐亭中語。
奇礪石

到公有奇石。曾向華林補。千年幽人得。風月一齊古。當作石交看。摩挲日三五。
回波閣

不放流水流。清池嫌太滿。常放流水流。新荷尚嫌短。建閣唱回波。勸水行緩緩。

澄碧泉

山頭峯百層。山下泉一尺。葉落水面青。月落水光白。此水淡無言。泠泠終日碧。

小樓霞

萬事不嫌小。但問能成家。我有一間屋。公然類棲霞。絕壁屋前山。天香屋後花。

南臺

築臺望雲物。雕欄盡南向。天空星可摘。木落山獻狀。露葉如水明。前峰新月上。

水精域

玻璃代窗紙。門戶生虛空。招月獨辭露。見雪不受風。平生置心處。在水精域中。

渡鶴橋

白鶴欲過湖。照水不得路。十月輿梁成。羽客含蘆渡。新霜鋪玉勻。何人試初步。

泛杭

不負一池水。招招學舟子。君覺歌口香。知在藕花裏。畫樓暮湯公。水動鴛鴦起。

香界

佛家有香界。旃檀焚諸天。我家有香界。幽蘭種溪邊。能聞而知之。鼻在耳目先。

盤之中

盤意取屈曲。旋轉無定區。我意亦倣此。乃粟蝸牛廬。紆行勿直行。公等來徐徐。

嶷山紅雪

王母宴瑤池。蟠桃開似海。酒罷落花飛。散作諸天彩。造屋居其間。紅顏長不改。

蔚藍天

琉璃付染人。割取青雲片。終朝非米藍。彷彿天光現。客來笑且驚。都成盧杞面。

涼室

避暑如避客。一室陰悄悄。高梧拒日多。曲澗引風早。熱中人偶來。也覺此間好。

小倉山房詩集卷十六 庚辰年巳

錢唐袁枚子才

瞻園十詠為託師健方伯作

石坡

平泉三品石。堆作一家春。不假嵯峨勢。真如蘊藉人。峰低安放穩。路曲往來頻。想見公餘暇。臨風倚角巾。

梅花塢

環植寒梅處。橫斜畫閣東。一輪明月照。滿樹白雲空。春到孤亭上。香聞大雪中。要他花掩映。新製石屏風。

平臺

老眼三朝闊。平臺四角方。因山分上下。望遠入蒼茫。得盡青天月。鋪勻碧瓦霜。謝公詩興發。獨坐詠清商。

抱石軒

一軒當石起。緊抱丈人峰。花月分窗入。烟蘿合戶封。坐憐紅日瘦。行覺綠陰濃。為問幽棲客。人間隔幾重。

老樹齋

從前樹為屋掩公拓出
之得舊礎果其地也

老樹得春先。亭簷遮幾年。數椽移向後。萬綠盡當天。葉密雨聲聚。枝高日腳懸。新基即舊礎。暗合古賢緣。

北樓

北斗挂高樓。江山一望收。白雲簷外宿。清露檻前流。遠樹深藏寺。風窗易得秋。飛花雜松子。終日打簾鉤。

翼然亭

山頂翼然亭。登臨見杳冥。炊烟離瓦白。高樹出牆青。海鏡明初日。江燈落遠星。臺城千萬雉。拱列似圍屏。

釣臺

春波二月平。垂釣足幽情。古石連雲瘦。疎花映竹清。萍開鱗有影。絲細水無聲。久坐不歸去。溪頭月正明。

板橋

渺渺烟波處。亭亭見板橋。橫陳如待渡。小卧欲當潮。屐齒苔痕滑。春晴水影消。杖藜扶我過。隔岸有花招。

禘生亭

有古樹枯而復生

秦谷陽和轉。枯楊竟長禘。春風如隔世。去鳥復來棲。樹解輪回義。公有輪回說亭留瑞事題。知公多雨露。溝壑起蒸藜。

竹深處

娟娟碧琅玕。虛窗八面看。搖風青欲滴。聽雨畫生寒。綠鳳迷春影。飛塵掃畫闌。恐教司竹監。難數幾多竿。

寄盧雅雨觀察

淮南聞說泛流霞。七十神仙鬢未華。千里風人齊進酒。二分明月正當花。紅橋燈影宵移艇。白雪春聲晝放衙。擬指平山向公祝。萬枝松當海濤加。一江秋水隔瓊扃。遠望卿雲

有所思。未座每將名士待。陳書深以古人期。松筠性在留春久。猿鶴身閒上壽遲。寄語旗亭

女郎口。紅牙添唱卷中詩。時演新亭新語

上元前一夕訪岳水軒不值

新年訪故人。故人飲酒去。回車戀月明。升堂且小住。蒼頭擊明燈。春盤供寒具。公然主人翁。三枝小瓊樹。聲聽雛鳳清。語協查梨趣。坐久樹無烟。歸遲草有露。仍踏野田還。梅花白前路。

題武午橋相馬圖

天生良馬無人相。牛羊日坐麒麟上。午橋司馬氣不平。自取銀河洗眼障。南遊滄海西蓬萊。朝朝高坐看龍媒。不將金馬門前式。剗取驪黃以外才。至今蕭蕭霜滿鬣。猶把丹青圖八駿。曾看天廐有龍無。搔手風前怕人問。我知此意常自憐。相牛相馬終天年。

題塞上吟贈李觀察

絳節遙宣久著名。三年遠作玉關行。身歸萬里無風色。家住中州有正聲。江上春帆桃葉軟。天山歌板竹枝清。如公合畫凌烟閣。蘇武臺前月最明。

贈徐梅麓觀察有序

己未冬。枚。恩假歸。觀察轉運揚州。招陪前輩。汪殿撰。應銓。葉編脩。長揚。唐庶常。建中。雪夜小集。今二十二年。賓主重逢。皓然白首。同席諸公。杳無存者。感贈一律。情

見乎辭

當年花燭撒金蓮。曾過揚州醉綺筵。明月二分歌舞地。酒人一隊玉堂仙。宮袍舊影燈邊雪。宦海流光水上烟。今日相逢倍惆悵。後生前輩各華顛。

潘字情明府見和陶吳壁上詩書扇相貽兼餉茶并

黃梅風少雨氣濃。故人贈扇如贈風。扇面泥金書小楷。使我開讀心忡忡。賤子當年宰江

邑鄉巡野宿陶吳東。對佛張燈書古壁。登樓高詠驚秋蟲。十五六年爪痕在。鴻飛久矣忘行蹤。一朝安仁騎馬過。仰壁大笑過此公。依章次韻和成律。遣人遠致深山中。山翁得詩驚且喜。滄桑萬感來填胸。恍若奉陪行野寺。前生斷夢重相逢。無官追想在官日。四旬非復三旬容。不覺三嘆我年老。豈徒再拜君詩工。君知讀罷定消渴。更惠茶并青絲籠。笑煮新泉試七椀。搖扇坐聽清涼鐘。

呼龍耕烟圖為錢相人觀察題

沙飛海老烟蒼蒼。一莊荒到仙人鄉。癡龍耕倦眠不醒。有人呼叱烟中忙。落花壓肩鋤在手。碧虛金骨香桃瘦。自稱天上勸農官。封章屢向雲門奏。斬龍長鯨海上行。風瑤水瑟共相迎。已騎白鳳頰天語。更捉青龍喚小名。瞳神一點秋波朗。珊瑚挂盡冰絲網。兩度璇宮斷夜絃。龍堂淚滴真珠響。於今玉女導花驄。檢校仙租碧海東。好開生地栽瑤草。莫把神倉缺正供。

公權揚州關稅一妻同行

管甯皂帽空山裡。號作龍頭懶無比。高蹲羊館一千年。任汝狂呼終不起。

揚州紅橋與門生劉牧臯進士兩舟相值次日牧臯以紅橋畫冊屬題時將需次京師

偶移雙艇過紅橋。隔水通家抗手招。小別七年人面改。相逢十月雪花飄。羣仙雅會留詩冊。客將行赴早朝。他日平山堂下酒。師生舊事更魂消。

劍

玉匣甘藏七尺身。九秋不復試霜痕。夜深尚作嗚嗚泣。為有平生未報恩。

初寒二首

久疎秋水愛斜陽。九月初寒漏漸長。夜坐不嫌人近燭。總開忽見瓦留霜。身依燕玉堪娛老。心怯吳綿可在箱。我是家居眠未穩。天涯爭奈客思鄉。
騷人丰骨久伶俜。呵手彈琴且暫停。秋氣中年雙鬢覺。江聲孤館一燈聽。錦衾敵雨新無力。玉酒回春舊有靈。收拾蘆簾同紙閣。負他風月在空庭。

夜立階下

半明半昧星。三點兩點雨。梧桐知秋來。葉葉自相語。

答鎮江觀察錢璣沙先生見贈

江頭舊雨作監司。江上閒雲慰夢思。一代交情車笠在。廿年離緒鬢霜知。家焚諫草終存史。身是傳人更有詩。多感瑤華重疊贈。彈琴想為過鐘期。
雲龍蹤跡本前緣。彈指韶光最惘然。泮水記憐袁淑小。枚年十二與瓊林曾讓祖生先。雞壇白酒看花日。燕市紅燈掃雪天。此際思量非隔世。回頭已是過輕烟。
容秋玉尺此衡文。隔歲傳呼耳又聞。作宦有緣偏近我。渡江無主正逢君。南衙夜宴鄉音合。東海潮聲鼓角分。恰嘆俸錢最多日。五光福

總讓朝雲

公兩悼亡
只一經侍

階前蘭玉有清容。小謝風華更不同。秋水半蓬來隱者。金焦兩

點屬明公。青山影落雙旌上。白髮痕深一箇中。從此暮雲春樹裡。吟箋容易託江鴻。

與觀察兩公子遊焦山作

平生五嶽曾坐嘯。惟有焦山慚未到。故人江口作監司。一身送我窮其妙。遠望宮窳卧貼水。近看龍樹深藏廟。老僧長眉叉手迎。竹杖一枝作前導。道山高七十六丈。遊人足力難深造。我時氣勇逸興發。與兩公子頭屢掉。初行磴棧猶繭繭。繼引藤蘿頗稍稍。風窗紙漾江光白。鐵塔火翻海影倒。掃雲亂踏落葉驚。攀筈直上烏鴛噪。最後孤亭躡絕頂。人天萬象供凌暴。彎弧思與天公博。升木何須野棘教。潮聲出海雲氣濕。脚下水魚龍跳。自知吹墜不到地。飄飄應發溺人笑。久坐終懷杞國憂。瘦蛟舞入僧家竈。時修琳宮迎六龍。倅般奔忙藻兼開。三時未畢靈臺劫。六鑿初開混沌竅。石上磨崖字萬萬。文詞剝蝕堪憑吊。焦先姓與此山傳。卧穴無人空虎豹。周鼎摩挲偽可疑。鶴銘點竄心空悼。夕陽西下不忍歸。題名故把松枝拗。從山腹登從背下。如蟻走磨經堂與。指小焦山示公子。可似從遊兩年少。慮人問我遊樂乎。預作詩章滿城報。

薛一瓢鑄銅杖字曰銅婢屬予為歌

金銅仙人辭漢主。嫁與先生作婢女。先生新聚銅山歸。兩足軒軒能健舉。婢子清瘦鑠有

神不言不笑能扶人。晝則隨行夜侍側。但見金夫不有身。既不須霍光窮袴加護惜。又不慮
袁紹如妻如髡剔。只恐葛陂遇水化為龍。轉使老人愁孤立。我聞北朝元魏立正宮。先取黃
金鑄后容。又聞蜀賓範國寶。亦將妃面摩青銅。先生做古作銅杖。特教婢學夫人相。借力橫
行花月天。平拖不畏江湖浪。一時名士盡有歌。祝君偕老專房多。我獨調語君應笑。願聞
銅臭喚奈何。

野寺

兩三間屋一溪水。庵久無僧佛墮几。香灰滿地旋作風。松鼠銜齏亂搖尾。我來誤踏野葛
花。驚飛蝶蝶成團起。

聽胡太史說某將軍故事

野史亭邊落日低。三朝耆舊草萋萋。忽將雙耳長江洗。來聽高祛說李齊。

虎邱同錢景凱泛酒船

五年不到闔閭城。簫鼓新添水面聲。為待虎邱山月上。四更猶放酒船行。
榜人中有路
搖娘曾侍吾家臨汝郎。一種聲清銀字管。可憐吹散桂枝香。
謂春風與桂娘
霜燈悄悄夜歸遲。
折得夫容有所思。同是人間一池水。橫塘從古泛西施。

喜文王至

扁舟迎得柳枝娘。銀燭當筵照晚妝。紅雨著衣成酒氣。美人私語作蘭香。尊前吳髮憐僮短。席上秦聲愛汝長。喜字自書三十六。剪箋擬學鬱林王。

再贈文王

霜林紅葉好。陽春邂逅橫塘賦。洛神久已盧家傳。少婦况兼蘇小是。鄉親王為盧氏出。姬杭州人。嬌鶯喘細將沉漏。軟雪魂消乍抱身。遮莫摩登花未散。又分惆悵與詩人。

過繡谷園弔主人蔣升枚

十年前叩草堂靈。曾共瓊枝坐此廳。叔寶風神臨水照。阿戎才語隔花聽。紅蘭春早香先盡。繡谷秋深客再經。索取茂陵遺稿讀。霜燈涼月淚荧荧。書樓尚在蕭郎遠。師曠重來子晉仙。小閣塵凝常坐榻。青箱魚蠹舊吟箋。虛明席上稱前輩。偏向人間哭少年。似此曇花眼邊過。老夫爭忍不華顛。

秋夜訪涂長卿不值見其二子

中散園林夜色深。阮公著屐來相尋。月華照樹烏鵲笑。十八年前人又到。主人不在兩郎迎。兩郎當年都未生。出門大笑問兩郎。當年何處作迷藏。

一卷

一卷書開引睡遲。洞房屢問夜何其。高堂憐惜小妻憊。垂老還如上學時。

夜坐

飄飄風雪夜缸凝。肅肅蕭蕭齋硯有冰。落筆動為千古計。知心惟有一檠燈。衰翁獨坐寒梅伴。空谷高歌凍雀應。不是子雲甘寂寞。人間誰是得霜鷹。

除夕望山尚書賜荷囊胡餅鹿肉戲謝四絕句

風景蕭蕭歲又更。梅花門外馬蹄聲。師恩更比春光早。捧得金盤落照明。
謝元雅愛

羅囊佩束哲高吟。胡餅歌不賜羔羊賜慶麇。憐儂一片野心多。屠蘇未進先生饌。椒酒

先頒弟子行。好似歲終飛瑞雪。定飄幾點到荒莊。尚書得韻便傳箋。倚馬才高不讓

先。今日教公輸一著。新詩和到是明年。

答香亭并序

揚州遇香亭。聯袂數日。送往彭城。余亦東下。姑蘇畢臘始返。香亭書來。道有山左

之行。兼問尋春芳訊。寄詩奉曉。

萍水揚州遇阿連。已逢重別倍凄然。絕無骨月吾將老。怕有分離汝最賢。荆樹心孤花合

並。雁行力薄影仍偏。東關極目征車遠。腸斷隋隄欲雪天。胡威相約赴山東。難免劉

安唱惱公。妹夫胡書榮招香亭往山身重親朋爭側席。路遙兄弟更飄蓬。蕭齋侍疾情難

忘。江館評花榻暫同。知否夢回姜被冷。旅人幽咽一燈紅。弟別後予始有異輕帆悔向

闔閭城不載春歸負此行。楚客風懷非昔日。吳宮花草竟虛名。思量種玉田須好。鄭重珍珠斛敢輕。就使書香少人續。孔明終望伯松生。

春晴

今歲天公大有情。一冬無雪又春晴。紅梅但覺飛香久。綠草何曾借雨生。雙燕翅如迎曉日。百花心更望清明。風光似此須行樂。莫管頭顱白幾莖。

送望山尚書入都

新歲春晴減薄寒。尚書應詔赴長安。三江父老攀轅送。一路桃花信馬看。嫁女妝奩添後乘。夢民丰采重朝端。君王若問棲霞事。定奏山門水要寬。山門外新湖大婚典禮重青

宮恭值。慈甯祝華嵩。高啟門楣迎貴婿。驚聞天語喚親翁。均調玉燭資蕭相。鎮撫金河

仗實融。兩事難兼須引例。張溫在外領三公。蔗漿真覺老逾甘。鄧禹生兒滿十。三行禮

好同新命婦。公妻張氏封一品夫人懷人難忘舊江南。西清應制頻簪筆。紫禁承恩許駕驂。倘奉

宸遊陪御輦。上林花雨正紅酣。送行只剩衰絲在。老唱驪歌十幾年。金屋人封馳

賀啟。橫塘舟泊關吟。春雖小別花終戀。莊自長荒主倍憐。一語後堂公記問。有無雜佩賜

彭宣。公受敕賀啟許賜雜佩

佳兒歌為李竹溪同年作

李氏有佳兒稱名自呼熈豐頰頭欽崎通眉質稜粹容秋來隨園勝衣纔七歲其時壽堂堂稱鷓集朋輩兒來盍其間偶坐聽鼓吹客密一身藏心靈兩眼鏡不受乳母詔寒暄吐詞媚不並先生行從容就賓位能習少儀篇尊堂面其真能辨琅瑯秘辟叫便長跪懷核告先歸負糒揖始退駸駸萬目看竊竊羣言議項橐孔子師甘羅宰相器古人久不作今兒或可繼未幾兒叔來道兒能屬對梅花古岸香芳草新堤翠子謂子胡然母乃倩人偽招兒膝前立試兒兒母對公然羅漢松舉對水仙卉以佛擬神仙鉢兩俱相配奇哉此佳兒聞一乃知二虎子自食牛蘭芽早拔萃若非任彥昇祈益中天墜定是陶通明香爐送霞帔仙李舊根盤家世傳明慧武或為亞子英雄張一隊文或為長吉能留韓愈戀嬌者宸師兜王溪夸清脆仙者老鄴侯頭枕天子睡兒今將母同法祖擇其最兒父吾同年老鳳聲嗷嗷積善世其家有子應顯貴嗟予幼了了科名亦早遂愧作倒繡譏愈覺後生畏恨無左伯豪薦兒登朝陞且學龐德公將手撫兒背勸試字九千母忘山一簣長舉無恤詞早赴重雲會致身聖明朝禮樂佐隆備明知冬郎相義山久憔悴且賦佳兒篇播傳為國瑞

送託師健中丞重撫桂林

小別三江口重開八桂堂望塵來故吏駐馬問新秧元老顏如昔甘棠樹恰蒼生猺同蠻戶迎拜各焚香妙絕瞻園景平章願費心一樓春雨足三寸落花深仙鶴遺喬木聞

鷗聽好音。不知天外使。可憶舊雲林。

謝託公賜贈園碑記

韓山斤石蒙公贈。密字真珠玉篆斜。惹得山人夸未了。蘭亭初搨在儂家。

再贈中丞

白雲孤鳳語。碧海青琴絲。高卑雖懸絕。一見難分離。瞻園大中丞。翩然海鶴姿。官職經三朝。聲名動四夷。賤子仰宮牆。六年不敢窺。自顧螢末光。敢敵青陽輝。倘蒙眾人待。反失硃硃為。隔簾望明月。未見終狐疑。履踏登華山。欲上猶趑趄。賴有潘安仁。道公謙且卑。憐才如飢渴。汝可往見之。山人整巾帶。厥介仰光儀。温温大儒顏。春風將入吹。遊目瞻園景。樓閣新參差。公叟藜杖引。筋力無少衰。使我作曾點。沂水春風思。從此寄笑詠。使者縱橫馳。稱我中心人。和我投贈詩。八月十三日。白露中庭滋。引裾問經義。析理窮銖銖。皇王相窮竟。周孔相攀追。畏匡存別解。一貫有心期。程朱慚局促。鄭馬亦糠粃。更談周易義。議論尤恢奇。道此大聖語。文王與庖羲。六龍以御天。幽贊生靈著。後人相去遠。如鳩窺天池。強解文象義。毋乃非狂痴。大哉先生言。千年無人知。宣尼過五十。方敢作繫辭。所以雅言三。不以易教垂。枚惜聞道晚。今日得良師。公亦向人道。此子能參稽。絕無才人態。而有入道基。枚聞感知己。懷古中心悲。挾貴與挾賢。瓊瑣均堪嗤。果然學問深。如水沃塵鬚。味謙常不足。疑疑無詆嫌。枚今侍

君子終身願因依何圖未一絲西粵催旌旂我欲留公位
明詔誰能違我欲從公行高堂有慈幃一日一見公日短心無涯
一年一寄書書長雁來遲惟有懷公贈摩挲瞻園碑石有時秋寸心終不移

聞中丞改撫皖江

一紙黃麻聽好意果然天意即民心皖江樹愛甘棠舊西粵車停瘴雨深
當宁忍拋元老遠瞻園仍望主人臨誰知故吏蒼生外別有閒鷗喜不禁

過雉皋訪何西舫明府淹留數日別後却寄

秋霜明廣陵揚舫來雉皋為訪何水部遠勞哀奉高官聲奈下聽仙樂
堂前棹宿館雖儲待陳榻先招要感茲黃花節相逢白首交深情追往昔
離恨舒今宵夜夜故人語嗶嗶晨雞號入境喜絃歌懷古悲陳迹今日水明樓
當年辟疆宅國初盛簪纓海內馳中為一聽雍門琴永斷山陽笛
問舊隣不知照影水空碧欹樹待樵來孤花冒烟立逝者盡如斯萬事
今猶昔淒涼異代交三復同人集唱辭有平生讀國風好色慕古流誤聞此邦媛窈

窕能清謳遠道致瑤札含情託蹇修何圖二南化漢女不可求豈無鴛鴦媒所致非吾儔

唱辭有

平生讀國風好色慕古流誤聞此邦媛窈

千愁攻羈客獨宿難深秋西施未有期范蠡回扁舟

城外船欲開城內呼驕響君來送

我行燈下紅旂朗依依膠漆懷脉脉雲鷓想榜人催別離趁此夜潮長思君心尚留別君身

已往夢醒不見君。霜月淒瀾滌。

有客

有客溪頭訪若耶。袁絲何處種桑麻。牧童遙指水流處。紅出一牆文杏花。

贈希裴觀察四十韻

憶昔參師相名甥。仰大賢。雲泥一千里。桑海廿三年。半百公方屆。稱觴我自憐。借題將有
述。染筆愧難宣。吏部當時貴。郎官擅譽先。謝莊司九品。毛珣掌二銓。智府水壺朗。神機玉燭
鮮。方書頌柱下。勳格配階前。再轉西臺肅。行看獨坐專。鸞坡鳴獬豸。柏府立鷹鷂。五馬馳江
左。三河轉漕船。福星歌子駿。得寶唱韋堅。黔首交相賀。金陵陪有緣。治河臨瓠子。鞠獄到幽
燕。去似春難別。來如月再圓。薰風吹草偃。高識踞雲巔。路正行尤穩。心虛事不偏。客秋吳下
吏。誤權水衡錢。計相鋒車出。羣胥草索連。聖人頻寄問。方鎮共憂煎。談笑着公到。從容
把事全。微言風款款。握算腹便便。吉甫元和簿。夷吾定篇霜。燈親檢校公。府苦周旋黑霧
消。三里蒼生付一肩。橫塘還榮戟。吳市滿香烟。此際飛春雨。忻逢啟壽筵。自持書一卷。不羨
客三千。錦幄靈萱茂。金堂寶樹聯。台星方熠燿。元髮未華顛。賤子長餐亦。何時慰執鞭。銜花
慚白鹿。斟酒對紅泉。身賤趨陪少。情深禮數捐。新詩商格律。古玉論雕鐫。驚眼雙龍勺。公有龍勺
古甚低頭五色箋。瓊瑤堪比德。筆墨更如仙。喜傍慈雲近。終增小草妍。私情借寇住。公論祝鶯

感舊京華日。陳情暮雨天。謹歌壽人曲。交與女兒絃。

雨中即事

驚風萍葉開。帶雨池聲大。青蛙抱佛心。踏上蓮花坐。

哭曾南村刺史并序

南村刺郴州。官署災。夫人及一女焚死。南村以痛其妻與女。故辭官歸。半途亦死。慘事傳來。確驚心。竟君三更宣榭火。兩世伯姬焚。解綬腸先斷。歸途手亦分。斯人有斯報。難問楚江雲。同謫為仙吏。先予刺一州。省郎青瑣月。燈館白門秋。舊夢何堪憶。晨星幾個留。孤兒長成未。東望淚雙流。

隱仙庵聽卓道人彈琴與丁珠秀才分得離字

素手拂青絲。空山聽演師。聲希流水緩。調古白雲知。細雨初晴日。茅庵欲暮時。那堪聞此曲。孤鳳與鸞離。

次日招似村公子聽琴得青字

羽人彈綠綺。公子坐空庭。小室留聲久。繁絃惹客聽。雨中春酒冷。風裡落花停。似為餘音繞。江峯分外青。

溫屏山太守書來索詩賦五言奉寄兼呈賢兒皆山

去年送君船。殘臘過江表。今年接君書。書來春已老。君書良何如。密字連真珠。索我瑤華箋。催我紅鯉魚。感君相思長。愧我歌詩短。歌詩久已成。欲寄長天遠。昔君宰沐陽。賤子

為前驅。後君宰江城。南衙日歡呼。愛君好風懷。真味如醍醐。冬心常冷抱。古道能持扶。南巡

一瞻天。飛騰在須臾。扁舟不爭風。亦頗利江湖。寄語熱中者。請觀溫大夫。君家皆

山子。孤清如伯夷。一談成至交。此事燈花知。所爭根本大。所傷知音稀。弟作西江守。兄別倉

山友。樓霞紅葉霜。金燈白門酒。此會何時重。此情君憶否。想見老彌明。至今猶閉口。人寒暄

之外哩
坐而已

老境

老境居難慣。新居一倍愁。白鬚度更芥。病藎情偏留。作楷書難小。高談語易偷。看看名與姓。大局定千秋。

偶成

水鳥飛上樹。是誰偷采蓮。爭蟲魚影聚。受露柳條偏。紅雨媚朝日。白花明晚天。呼僮遲掃地。好讓野雲眠。

金川門

金川門外水雲寒。道是燕兵渡此灘。狎客名儒同誤國。君王真個用人難。

栽松

青松手種兩三行。聞道難栽過豫章。待得成龍吾見否。不能對汝不思量。

贈楊江亭提督

白髮三朝望。真州九代居。期門曾試弁。東觀更修書。文武才原大。神仙健不如。誰知公八千。安步尚當車。聽說先皇事。欵欵感不勝。寬仁漢文帝。悠久宋昭陵。吹夢春風過。回頭歲月增。傳聞猶雪涕。何況是親承。清秘三閤閣。虞翻有舊床。商尊明翡翠。晉帖雜鍾王。簾影風花靜。書聲子弟忙。此身真法物。何必弄圭璋。羊祜荆襄督。歸來二十秋。功勳留片石。老物剝輕裘。雛鳳瓊林客。童孫小子侯。門前江水闊。何處不扁舟。

自嘲

小眠齋裡苦吟身。纔過中年老亦新。偶戀雲山忘故土。音同猿鳥結芳隣。有官不任偏尋樂。無子為名又買春。自笑匡時好才調。被天強派作詩人。

哭座主虞山相公

台垣一夜隕星辰。禱祀難留嶽降身。雨露正濃梁木壞。綺羅雖盛相公貧。東園秘器頒張禹。車駕臨門問賀循。聽說憑棺天語痛。至今哀感動旁人。瓊林曾記遇歐陽。早列三千弟子行。聽樂夜眠東閣雪。趨朝晨掃後車霜。江湖淪落師門遠。海宇昇平相業忘。二十二年

前進士。不堪回首舊宮牆。

前年扈蹕邗江過。小泊隨隄艣暫停。絳帳談深春雨細。金燈

人別暮山青。恩無可報身原賤。事有難憑夢不靈。

公夢白後入朝贊榜。發得極期望甚大。

此後西州水流處。羊曇

涕淚怕重經。

支枕

支枕悠悠午夢餘。開門仍是閉門居。客來下馬有閒意。未見主人先省書。

用定聲錄韻贈周青原

我生十二年。竹馬騎入學。周郎如我年。入洋童而角。微之愛龐巖為其兩相若。衣裾撒我門。厭介來酬酢。王戎巖下臺中散。雞羣鶴玉山到眼明。蘭風滿懷掠。縱論至於詩。風雅同商榷。新箋出袖中。寶劍光騰躍。梵筴裁整齊。楷法矜成削。置履覘謝郎。才具可約略。初寒歌兩篇。連藻驚沈著。再和春草詩。風華尤的爍。讀罷意超超。對郎視矍矍。初疑守天厨。紅霞夜深嚼。又疑捫麟篆。赤手鯨牙拔。郎乃負墻立。拱手揖先達。願談元中元。庶幾覺後覺。感郎意。嗟。嗟。老夫請刺刺。六義非一體。源流各有合。八音非一器。砢散絃匏雜。大響奏鈞天。簫韶兼眾樂。百川會東海。隨宜供吐納。爰爰目論者。取徑乃取狹。略探文選理。嫌韓蘇粗選。未窺李杜藩。先笑溫李弱。強界唐與宋。如以表屏葛。所見同陳疇。將肘類肉鴨。龜茲自稱玉。李重不足殺。鄙儒洪都士。一醮甘百罰。願子雪此言。高坐酣勇爵。萬眾各端倪。詩懷兼午郭。妍媸鑿古

人胸懸萬年蛤。毛詩三百篇。去其味嚼蠟。童子歌滄浪。何妨便取法。修業不息版。訓練三千甲。慘淡役心靈。別造牟尼塔。廉如雞食跖。貪如魚祭獺。色如江濯錦。聲如擊過關。龍服龍虎地。奔馳秦華嶽。審格先審題。用墨如用藥。會見月宮桂。專待吳剛斫。豈徒張一軍。威洪作首歎。南都才子班。嚴吳允灼灼。元冬璫。問年都輸君。戰罷枚數闔。六月蘊隆天。拚席不以鬣。將子來施施。索詩應白諾。借扇書淋漓。余懷傾七八。甘苦還技經。卮言非縛虛。就使子胡然。此歌子宜答。

戲東似村

想見西園暑乍收。碧梧翠竹雨脩脩。六郎池上憑欄立。我替蓮花起暮愁。傳聞遺失金條脫。羽化銀杯可絕蹤。惟有玉人偏不惱。抱卽雙腕暫輕鬆。雙盜金針逃去短曲長歌字數行。六年無日不相將。屏風若有蕭娘記。紅豆拋殘第幾箱。約我花階設綺筵。定期七夕晚涼天。牽牛織女河邊笑。又累人間請客錢。

贈悟西上人

悟西事我如事佛。每逢朔望來參謁。十五年前舊色侯。諸人忘矣師偏不。感師念我轉自思。作令無狀師所知。師言當年政清靜。卽此已是大布施。我昔善除竿牘弊。恰無峻法加胥吏。又頗不喜佛老言。恰於僧道無憎顏。歐公本論未設施。韓公原道休饒舌。果從天視盡蒼生。

何事人來強區別。我持此論頗有年。因師見訪聊一宣。師年八十顏色好。昇天應笑釋迦小。
聽鶯曲為研農主人作

垂陽綠萼裊。黃鳥聲交。中有聽鶯人。短髮形飄蕭。一聲初轉如戛玉。千聲萬聲肉勝竹。細
雨搖風欲落花。斜陽覆水難終曲。當年行役赴遼西。只有黃驄陌上嘶。青天蜀道家山遠。
芳草長亭落照低。歸來楊柳如人大。流鶯還抱楊枝坐。紅雨當頭仔細聽。聽時能使春愁破。
自非天性少情。爭耐聞鶯不怨春。我將滿載青山酒。同着流鶯一問君。

重登承慶寺塔

九級浮圖到頂寒。十年前此倚闌干。過來事怕從頭想。高處人休往下看。

登山

焚香掃地待詩成。一笑登山倚杖行。愛替青天管閒事。今朝幾朵白雲生。

吳門借寓陸郎墳。草屋三間水氣熏。停將木有人來假館。青山何處不留雲。

地下童

為識我無。當年詞客換頭顱。秋階手掃霜林葉。權作君家墓大夫。小劫華嚴十載遙。

相思無處把魂招。夜深風折西窗竹。彷彿猶聞子晉簫。

虞山小住贈許芝田明府

同詠霓裳廿四春。重聯芝蓋五湖濱。但知俸好全供母。豈料官清轉累人。時方調
簡索斷宓子絃歌
宜小邑。許由家世本天民。白門烟柳青溪水。記爾留題墨尚新。

贈虎印僧離公

離公慶七十。大設伊蒲供。其時九月望。素魄明高峰。我適渡江至。虎阜携孤筇。隱隱簫一
枝。濛濛烟幾重。尋聲探遠寺。抗手揖羣公。陳遵勿驚坐。小邾以名通。齋厨禪味淡。暮露風
光濃。初菊逗微黃。繁燈綴深紅。主人畢仲游。避面隱牆東。其餘諸仙郎。惜惜伎曲工。酒闌山
影沒。塵定歌聲終。禪僧高興發。亦復鼓胡曠。老鳳鳴孤竹。一洗羣喉空。萍蹤偶然聚。白社千
年風。次日僧持紙。索我題真容。即書此日事。留爪當飛鴻。

苦寒

磨墨不動冰。生花重裘襲。襲如輕紗。元冥行令理。應爾一寒至此。甯無嗟憶。昔去冬。逢此日。
水泉不結梅。含葩天公并。作一年冷。河僵海老風。揚沙前雲未。消後雪至。寒心飄搖。宿我家。
西園木皮五寸厚。便了鼻涕一尺斜。陷冰丸薄古瓷裂。迎春奏遠青陽遮。茶谷盼斷。鄒律
吹。仙鶴道比堯。年加。兒童呵手。豺呌牙。上天請捉黃金鴉。諸姬各嫌帳不華。寒酸羞烹學士
茶。我獨縮屋高自夸。雪車冰柱吟劉叉。周公言冬陰不閉。蒸陽發洩為淫邪。於今肅殺應月
令。來歲應收好麥麻。就使月宮凍斷銀河槎。亦使張騫熱客心小差。山人老矣暮景逼。不能

采炭南山窪。又無長裘與廣廈。覆蓋寒士為民歎。惟有耳護許公柏。背抱吳宮娃。金爐燦列如排衙。私念宮門待漏沙場走。若比此樂誰為佳。

吳門遇許都郎費秀才。俱道予當八九十矣。既覲各驚齒。未笑賦一詩。

不是年光肯倒流。諸公錯認古陽休。若論經歷人間事。自問原宜久白頭。

從吳下還家句容遇雪重宿朱園感贈主人

不到朱園住。星霜歲幾遷。主人驚客至。扶病出堂前。握手先看面。回頭各記年。燈明會宿榻。壁損舊題箋。出拜兒孫大。堆盤膳飲鮮。卸裝庭繫馬。軟腳僕分錢。恰值隆冬月。重逢大雪天。擁爐呵凍筆。索火煖泥韃。情比還家好。交因垂老憐。苦留君宛轉。久別我纏綿。敢惜千場醉。多增一夜眠。再來應有日。切莫指華顛。

閒行

折竹當簾杖。閒行過小亭。無人獨自語。溪上一鷗聽。

閒坐

雨久客不來。空堂飛一蝶。閒坐太無聊。數盡春蘭葉。

九月十一日夜

金燈淡淡映書樓。銀蒜沉沉押畫鉤。一霎秋風吹落葉。波濤都在樹梢頭。

小倉山房詩集卷十六終